

華嚴疏鈔

36

C40
4514
(1)



60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

C40-4514

丁亥年座請大藏及有
家書覽字號州縣雲山
戒微笑塔陵丘府中水
為學者不敢詩出院內
當山三世鐵牛機譯



64853

大方廣佛華嚴經疏鈔卷二十二之一

歸善齋印

歸善齋印

歸善齋印

歸善齋印

歸善齋印

歸善齋印

升兜率天宮品第二十三

疏自下第五會明上賢十向四門同前初來意中

先會來者正爲荅前迴向問故迴前解行以向真

證廣益自他令行彌縫無不周故菩薩大乘藏經

云以少善根引無量果者謂迴向心以迴向心爲

大利故故行後明之又前解行既著令悲願彌博

後品來者前會既終將陳後說光明說處表法故

601234567897012345678980123456789

來。鈔菩薩大乘藏經者或單名菩薩藏經。唯一卷亦明禮佛懺悔隨喜等後廣說迴向等功德。先明七寶布滿恒河沙三千大千世界供養於佛。後云行此迴向功德等。卽引無量果乃是義引耳。以迴向心爲大利故。卽暗引淨名佛道品普現色身菩薩之偈云。富有七財寶教授以滋息如所說修行。迴向爲大利故行後明之者。迴前行故。

疏二釋名者先會得名亦有三義同前一會鈔亦有三義者一約處名兜率天宮會一約人名金剛幢菩薩會三約法名十迴向會。

疏二釋品名兜率是處佛以法界之身不起而應故名爲升處此說者表位超勝是次第故又上下放逸此天知足表世間行滿故居喜足之天。又以彼有一生補處表菩提之心功行滿故又積功累勲知階未足迴勲授子乃知有餘菩薩亦爾勤苦積行未見有餘迴向衆生乃知自足又欲界六天此居其中表悲智均平處於中故又生此天而修三福謂施戒定自餘不具偏多不均故處此說也鈔處此說下此句徵從表位下答答有六意一前行在夜摩今迴向超前故居兜率上但約次第。

0 1 2 3 4 5 6 7 8 9

二取知足天名。三納天主說之。四再就知足釋之。
前約自利足。此約利他足。五約中道說之。六約均
平釋言。又生此天而修三福者。卽涅槃三十二應。
言修施戒者。得上下天身。修施戒定。得兜率天身。
○疏第三宗趣者。會以十向大願爲宗。得地爲趣。品
以升天赴感爲宗。說向爲趣。

爾時佛神力故。十方一切世界。一一四天下闍浮提
中。皆見如來坐於樹下。各有菩薩承佛神力。而演說
法。靡不自謂恒對於佛。

疏第四釋文。此會有三品經。初二當會由致。後一

正說所以無勝進者。由二義故。一以此會是三賢
位終攝前解行。總爲趣地方便。廻向當體。自是勝
進。是故無也。此經上下其例有四。一約行滿入位
之際。如賢首品信滿總爲入位方便。二約願滿入
證之際。如此廻向初僧祇滿總爲入地方便。三約
功用滿入無功用之際。如第八地初總攝前七地
以爲方便。此第二僧祇滿四約因位成滿之際。如
第十地初攝前九地爲入方便。此約三僧祇滿處
攝也。餘同位相接。卽別有方便。故非一例。鈔三
約功用滿等者。第八地初有總明方便集作地分。

集前七地爲入地方便。四十地初有方便作滿足地分是也。

疏二方欲入地必離進趣相與無分別爲方便故就初二品前一化主赴機後品助化讚佛今初品中大分十段一本會齊現二不離而升三見佛嚴處四迎佛興供五覩佛勝德六請佛處殿七如來受請八天王獲益九承力偈讚十如來就坐。

今初也初言神力卽是徧因未必起神境通但是修成心自在力十方已下辨所現相於中亦有化主動化望第四會旣加及須彌頂此亦應云坐於樹下及須彌夜摩天宮文無者畧以第二段中帶前升後旣全舉前四則影顯前四皆圓徧也而演說者亦通四會之所說也鈔未必起等者此亦卽前第十二經初各隨其類爲現神通餘說四會等例前可知。

爾時世尊復以神力不離於此菩提樹下及須彌頂夜摩天宮而往詣於兜率陀天一切妙寶所莊嚴殿疏第一爾時下明不離而升謂前十方一切處四會皆儼然不散而升此說意明橫徧十方豎該九會佛法界身徧時處故餘義具如第三會初。

時兜率天王遙見佛來。卽於殿上敷摩尼藏師子之座。其師子座天諸妙寶之所集成。過去修行善根所。得一切如來神力所現。無量百千億那由他阿僧祇。善根所生。一切如來淨法所起。無邊福力之所嚴瑩。清淨業報不可沮壞。觀者欣樂。無有厭足。是出世法。非世所染。一切衆生咸來觀察。無有能得究其妙好。疏第三時兜率下。見佛嚴處中。一初明感應緣會。二卽於已下。正顯嚴處於中分二。先明一方嚴處。後結通十方。今初初雖標座下。列樓帳等皆兼處。嚴文分爲二。初總顯體德。後有百萬下別明體用。

今初有十一句。初總餘別。總中無盡大願。隨意出生。悲智必俱。生死無染。名摩尼藏。展行彌布。故有敷言。別有十種圓滿勝相。以斯妙座實德成故。初一自體相。以寶成故。次六因相。一深遠相。二勝妙相。三廣大相。四同體相。五具德相。六堅固相。後三總顯殊特。卽座之德用。一端嚴故。二離染故。三無極故。

前本五百萬金網。百萬億華帳。百萬億寶帳。百萬億鬢帳。百萬億香帳。張施其上。華鬢垂下。香氣普熏。百萬億華蓋。百萬億鬢蓋。百萬億

寶蓋諸天執持四面行列百萬億寶衣以敷其上。疏二別明體用中通有二百九十九種百萬億廣上三段卽爲三別初廣自體次有百萬億初發心下廣前殊特三百萬億善根下廣前因相初一多明器世間嚴後二顯衆生世間嚴皆智正覺世間之力也皆言百萬億者位增十行之百萬故初中長分爲十前九色相嚴後一音聲嚴其一一嚴事皆卽法門可以意得。

第一有十句座體嚴於中初句辨座層級後九覆座之嚴雖四面行列執蓋亦爲覆座。

百萬億樓閣綺煥莊嚴百萬億摩尼網百萬億寶網彌覆其上百萬億寶瓔珞網四面垂下百萬億莊嚴具網百萬億蓋網百萬億衣網百萬億寶帳網以張其上百萬億寶蓮華網開敷光榮百萬億寶香網其香美妙稱悅衆心。

疏第二樓閣下十句復於殿內建立樓閣繞座莊嚴亦是嚴處於中初句總下九句別顯嚴閣百萬億寶鈴帳其鈴微動出和雅音百萬億栴檀寶帳香氣普熏百萬億寶華帳其華敷榮百萬億衆妙色衣帳世所希有百萬億菩薩帳百萬億雜色帳百

萬億真金帳。百萬億瑠璃帳。百萬億種種寶帳。悉張其上。百萬億一切寶帳。大摩尼寶以爲莊嚴。

疏第三寶鈴帳下十句。辨帳嚴亦是繞座。前已辨覆故。若重辨者。帳上建樓。樓上覆帳。重重無盡耳。百萬億妙寶華周市瑩飾。百萬億頻婆帳。殊妙間錯。百萬億寶蔓。百萬億香蔓。四面垂下。百萬億天堅固香。其香普熏。百萬億天莊嚴具。瓔珞。百萬億寶華瓔珞。百萬億勝藏寶瓔珞。百萬億摩尼寶瓔珞。百萬億海摩尼寶瓔珞。莊嚴座身。百萬億妙寶繒采。以爲垂帶。

疏第四妙寶華下。有十一句。辨嚴座身。其頻婆帳。應在寶華之前。類例穩便。亦可十二句。辨帳九句。嚴座身。頻婆者。此云身影質。謂帳莊嚴具中。現外質之影故。

百萬億因陀羅金剛寶。百萬億自在摩尼寶。百萬億妙色真金藏。以爲間飾。百萬億毘盧遮那摩尼寶。百萬億因陀羅摩尼寶。光明照耀。百萬億天堅固摩尼寶。以爲胞牖。百萬億清淨功德摩尼寶。彰施妙色。百萬億清淨妙藏寶。以爲門闈。百萬億世中最勝半月寶。百萬億離垢藏摩尼寶。百萬億師子面摩尼寶。間

撰述

華嚴經卷之二

錯莊嚴百萬億心王摩尼寶所求如意百萬億闇浮
檀摩尼寶百萬億清淨藏摩尼寶百萬億帝幢摩尼
寶咸放光明彌覆其上百萬億白銀藏摩尼寶百萬
億須彌幢摩尼寶莊嚴其藏。

疏第五因陀羅金剛寶下有十七句亦嚴座四周皆明妙寶以爲窓門及覆亦嚴座體以莊嚴其藏是蓮華藏故標中表法有異住行不言蓮華理實應有或是座身之龕名藏。

百萬億真珠瓔珞百萬億瑠璃瓔珞百萬億赤色寶瓔珞百萬億摩尼瓔珞百萬億寶光明瓔珞百萬億

種種藏摩尼瓔珞百萬億甚可樂見赤真珠瓔珞有萬億無邊色相摩尼寶瓔珞百萬億極清淨無比寶瓔珞百萬億勝光明摩尼寶瓔珞周市垂布以爲莊嚴百萬億摩尼身殊妙嚴飾百萬億因陀羅妙色寶疏第六真珠瓔珞下十二句瓔珞周垂嚴其摩尼身下二句文似闕畧謂因陀羅妙色寶下無所結屬又非下之香類不可別爲一段。

百萬億黑旃檀香百萬億不思議境界香百萬億大方妙香百萬億最勝香百萬億甚可愛樂香咸發香氣普熏十方百萬億頻婆羅香普散十方百萬億淨

光香普熏衆生。百萬億無邊際種種色香。普熏一切諸佛國土。永不歇滅。百萬億塗香。百萬億熏香。百萬億燒香。香氣發越普熏一切。百萬億蓮華沉水香。出大音聲。百萬億遊戲香。能轉衆心。百萬億阿樓那香。香氣普熏。其味甘美。百萬億能開悟香。普徧一切。令其聞者。諸根寂靜。復有百萬億無比香王香。種種莊嚴。

疏第七黑旃檀下。有十六句。以香爲嚴。阿樓那者。此云紅赤色。

雨百萬億天華雲。雨百萬億天香雲。雨百萬億天末

香雲。雨百萬億天拘蘇摩華雲。雨百萬億天波頭摩華雲。雨百萬億天優鉢羅華雲。雨百萬億天拘物頭華雲。雨百萬億天芬陀利華雲。雨百萬億天曼陀羅華雲。雨百萬億一切天華雲。雨百萬億天衣雲。雨百萬億摩尼寶雲。雨百萬億天蓋雲。雨百萬億天幡雲。雨百萬億天冠雲。雨百萬億天莊嚴具雲。雨百萬億天寶鬘雲。雨百萬億天寶瓔珞雲。雨百萬億天栴檀香雲。雨百萬億天沉水香雲。

疏第八雨百萬下。二十句。雨雲爲嚴。

建百萬億寶幢。懸百萬億寶幡。垂百萬億寶繒帶。然

百萬億香爐布。百萬億寶鬘持。百萬億寶扇執。百萬億寶拂懸。百萬億寶鈴網微風吹動。出妙音聲。百萬億寶欄楯周市圍繞。百萬億寶多羅樹次第行列。百萬億妙寶牕牖綺麗莊嚴。百萬億寶樹周而垂陰。百萬億樓閣延袤綺飾。百萬億寶門垂布瓔珞。百萬億金鈴出妙音聲。百萬億吉祥相瓔珞嚴淨垂下。百萬億寶悉底迦能除衆惡。百萬億金藏金縷織成百萬億寶蓋衆寶爲竿執持行列。百萬億一切寶莊嚴具網間錯莊嚴。

百萬億光明寶放種種光。百萬億光明周徧照耀。百

萬億日藏輪。百萬億月藏輪。並無量色寶之所集成。百萬億香燄光明映徹。百萬億蓮華藏開敷鮮榮。百萬億寶網。百萬億華網。百萬億香網彌覆其上。

百萬億天寶衣。百萬億天青色衣。百萬億天黃色衣。百萬億天赤色衣。百萬億天奇妙色衣。百萬億天種種寶奇妙衣。百萬億種種香熏衣。百萬億一切寶所成衣。百萬億鮮白衣悉善敷布。見者歡喜。

百萬億天鈴幢。百萬億金網幢。出微妙音。百萬億天繒幢。衆采具足。百萬億香幢。垂布香網。百萬億華幢。雨一切華。百萬億天衣幢。懸布妙衣。百萬億天摩尼

撰述

華嚴經卷之一

十一

寶幢衆寶莊嚴。百萬億天莊嚴具幢衆具校飾。百萬億天鬟幢種種華鬟。四面行布。百萬億天蓋幢。寶鈴和鳴。聞皆歡喜。

疏第九建百萬下。四十八句。座外四面嚴於中有四。初二十句。雜雜莊嚴。羅列座側。言樓閣延袤者。靜法云。梵云蒲莫迦。此云帳譽。若是樓閣。應云微麼囊。卽不爾者。譯之誤也。此或應爾。前文已有樓閣故。若重辨者。亦無大失。寶悉底迦者。具云塞縛悉底迦。此云有樂。若見此相。必獲安樂。其形如萬字。具於音義。今寶形似此。二光明寶下九句。光明

嚴言網覆者。若世之燈。以護夕蟲。成隱暎故。三天寶衣下九句。寶衣敷布嚴。四天鈴幢下十句。寶幢行列嚴。

百萬億天螺出妙音聲。百萬億天鼓出大音聲。百萬億天箜篌出微妙音。百萬億天牟陀羅出大妙音。百萬億天諸雜樂同時俱奏。百萬億天自在樂出妙音。其聲普偏一切佛刹。百萬億天變化樂。其聲如響。普應一切。百萬億天鼓因於撫擊而出妙音。百萬億天如意樂自然出聲音節相和。百萬億天諸雜樂出妙音。聲滅諸煩惱。

撰述

華嚴疏錄卷之一

十一

三

百萬億悅意音讚歎供養百萬億廣大音讚歎承事
 百萬億甚深音讚歎修行百萬億衆妙音歎佛業果
 百萬億微細音歎如實理百萬億無障礙真實音歎
 佛本行百萬億清淨音讚歎過去供養諸佛百萬億
 法門音讚歎諸佛最勝無畏百萬億無量音歎諸菩
 薩功德無盡百萬億菩薩地音讚歎開示一切菩薩
 地相應行百萬億無斷絕音歎佛功德無有斷絕
 百萬億隨順音讚歎稱揚見佛之行百萬億甚深法
 音讚歎一切法無礙智相應理百萬億廣大音其音
 充滿一切佛刹百萬億無礙清淨音隨其心樂悉令

歡喜百萬億不住三界音令其聞者深入法性百萬
 億歡喜音令其聞者心無障礙深信恭敬百萬億佛
 境界音隨所出聲悉能開示一切法義百萬億陀羅
 尼音善宣一切法句差別決了如來秘密之藏百萬
 億一切法音其音和暢克諧衆樂

疏第十天蠶出妙音下辨音聲嚴於中二初十句
 樂音嚴後悅意音下二十句法音嚴前中云半陀
 羅者此云鋒鼓謂天樂初奏此鼓先作故後法音
 嚴中初十一句讚歎三寶後隨順音下九句說法
 益物別明體用中初廣自體竟

有百萬億初發心菩薩。纔見此座。倍更增長。一切智心。百萬億治地菩薩。心淨歡喜。百萬億修行菩薩。悟解清淨。百萬億生貴菩薩。住勝志樂。百萬億方便具足菩薩。起大乘行。百萬億正心住菩薩。勤修一切菩薩道。百萬億不退菩薩。淨修一切菩薩地。百萬億童真菩薩。得一切菩薩三昧光明。百萬億法王子菩薩。入不可思議諸佛境界。百萬億灌頂菩薩。能現無量如來十力。

疏大文第二廣前殊特者。前文畧云見者無厭。亦已畧明益相。今廣顯之。卽座之德用。恭敬供養復十九句。曲分爲四。初十約位辨益。

百萬億菩薩。得自在神通。百萬億菩薩。生清淨解。百萬億菩薩。心生慶樂。百萬億菩薩。深信不壞。百萬億菩薩勢力。廣大。百萬億菩薩。名稱增長。百萬億菩薩演說法義。令智決定。百萬億菩薩。正念不亂。百萬億菩薩。生決定智。百萬億菩薩。得聞持力。持一切佛法。百萬億菩薩。出生無量廣大覺解。百萬億菩薩。安住信根。百疏二得自在下。有十二句。雜辨得益。

百萬億菩薩得檀波羅蜜能一切施百萬億菩薩得尸波羅蜜具持衆戒百萬億菩薩得忍波羅蜜心不妄動悉能忍受一切佛法百萬億菩薩得精進波羅蜜能行無量出離精進百萬億菩薩得禪波羅蜜具足無量禪定光明百萬億菩薩得般若波羅蜜智慧光明能普照耀百萬億菩薩成就大願悉皆清淨百萬億菩薩得智慧燈明照法門百萬億菩薩爲十方諸佛法光所照百萬億菩薩周徧十方演離癡法。

疏三得檀下十句約行辨益。

百萬億菩薩普入一切諸佛刹土百萬億菩薩法身

隨到一切佛國百萬億菩薩得佛音聲能廣開悟百萬億菩薩得出世一切智方便百萬億菩薩得成就一切法門百萬億菩薩成就法智猶如寶幢能普顯示一切佛法百萬億菩薩能悉示現如來境界。

疏四普入一切佛刹下七句約大用辨益後三並通諸位或可第二段明迴向第三段明十行第四段明十地或唯約十住通別無疑王鈔或可第二明迴向者以初約位是十住三明十度全同十行故二配迴向四配十地則豎位具足以第二段中神通不壞等亦有迴向意第四段普入佛刹等亦

撰述

華嚴經卷之二十一

世

有十地體勢故爲此配由二三前却二四不顯故
前正釋後三通諸位廣殊特中初明獲益曲分
爲四竟。

百萬億諸天王恭敬禮拜百萬億龍王諦觀無厭百
萬億夜叉王頂上合掌百萬億乾闥婆王起淨信心
百萬億阿修羅王斷橋慢意百萬億迦樓羅王口銜
繒帶百萬億緊那羅王歡喜踊躍百萬億摩睺羅伽
王歡喜瞻仰百萬億世王稽首作禮百萬億忉利天
王瞻仰不瞬百萬億夜摩天王歡喜讚歎百萬億兜
率天王布身作禮百萬億化樂天王頭頂禮敬百萬

億他化天王恭敬合掌百萬億梵天王一心觀察百
萬億摩醯首羅天王恭敬供養百萬億菩薩發聲讚
歎

疏二諸天恭敬下明供義文分爲五初十七句雜
明八部人天菩薩三業設敬其中所作各隨類所
宜

百萬億天女專心供養百萬億同願天踊躍歡喜百
萬億往昔同住天妙聲稱讚百萬億梵身天布身敬
禮百萬億梵輔天合掌於頂百萬億梵衆天圍繞侍
衛百萬億大梵天讚歎稱揚無量功德百萬億光天

撰述

華嚴疏錄卷之二

三

五體投地百萬億少光天宣揚讚歎佛世難值。百萬億無量光天遙向佛禮。百萬億光音天讚歎如來甚難得見。百萬億淨天與宮殿俱而來詣此。百萬億少淨天以清淨心稽首作禮。百萬億無量淨天願欲見佛投身而下。百萬億徧淨天恭敬尊重親近供養。百萬億廣天念昔善根。百萬億少廣天於如來所生希有想。百萬億無量廣天決定尊重生諸善業。百萬億廣果天曲躬恭敬。百萬億無煩天信根堅固恭敬禮拜。百萬億無熱天合掌念佛情無厭足。百萬億善見天頭面作禮。百萬億善現天念佛心無懈歇。百

萬億阿迦尼吒天恭敬頂禮。百萬億種種天皆大歡喜發聲讚歎。百萬億諸天各善思惟而爲莊嚴。

疏二天女專心下二十六句。唯明諸天三業敬養初之三句卽欲界天色究竟後復言種種天者或通無色或總上諸類。善思惟天亦通諸類。百萬億菩薩天護持佛座莊嚴不絕。百萬億華手菩薩雨一切華。百萬億香手菩薩雨一切香。百萬億鬘手菩薩雨一切鬘。百萬億末香手菩薩雨一切末香。百萬億塗香手菩薩雨一切塗香。百萬億衣手菩薩雨一切衣。百萬億蓋手菩薩雨一切蓋。百萬億幢手

撰述

華嚴疏錄卷之二

菩薩雨一切幢百萬億幡手菩薩雨一切幡百萬億寶手菩薩雨一切寶百萬億莊嚴手菩薩雨一切莊嚴具。

疏二菩薩天下有十二句明菩薩事供養。百萬億諸天子從天宮出至於座所百萬億諸天子以淨信心并宮殿俱百萬億生貴天子以身持座百萬億灌頂天子舉身持座。

疏四諸天子從天宮出下四句諸天身供養。

百萬億思惟菩薩恭敬思惟百萬億生貴菩薩發清淨心百萬億菩薩諸根悅樂百萬億菩薩深心清淨。

百萬億菩薩信解清淨百萬億菩薩諸業清淨百萬億菩薩受生自在百萬億菩薩法光照耀百萬億菩薩成就於地百萬億菩薩善能教化一切衆生。

疏五思惟菩薩下十句菩薩修法供養亦明得益菩薩多明得益諸天但說供養者諸天供養是益因故諸天得益卽菩薩故上申供合前獲益大文廣前殊特竟。

百萬億善根所生百萬億諸佛護持百萬億福德所圓滿百萬億殊勝心所清淨百萬億大願所嚴潔百萬億善行所生起百萬億善法所堅固百萬億神力

撰述

華嚴疏卷之二

所示現百萬億功德所成就百萬億讚歎法而以讚歎。

疏第三百萬億善根下廣前因深十句可知所以此會嚴事偏多者一此天多以補處爲王故二賢位已極大悲普周故所以十住無菩薩迎表凡入位故夜摩卽有已入位故然亦未廣而此勝相皆是如來海印所現法界差別自在實德人法無礙依正渾融之嚴事也上廣因相合前先一方嚴處竟。

如此世界兜率天王奉爲如來敷置高座一切世界

兜率天王悉爲於佛如是敷座如是莊嚴如是儀則如是信樂如是心淨如是欣樂如是喜悅如是尊重如是而生希有之想如是踊躍如是渴仰悉皆同等疏第一如此世界下結通十方可知見佛嚴處竟。

爾時兜率天王爲如來敷置座已心生尊重與十萬億阿僧祇兜率天子奉迎如來

疏第四爾時下迎佛興供於中二先將迎興供一爾時如來威神力下見佛興供前中二初奉迎以清淨心雨阿僧祇色華雲雨不思議色香雲雨種

0 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

華嚴疏錄卷之十一

種色鬘雲雨廣大清淨栴檀雲雨無量種種蓋雲雨
細妙天衣雲雨無邊衆妙寶雲雨天莊嚴具雲雨無
量種種燒香雲雨一切栴檀沉水堅固末香雲諸天
子衆各從其身出此諸雲時百千億阿僧祇兜率天
子及餘在會諸天子衆心大歡喜恭敬頂禮阿僧祇
天女踊躍欣慕諦觀如來

疏二以清淨下興供於中先諸天興供皆從身出
者非唯顯諸天福力亦表身爲供具供自心生
兜率宮中不可說諸菩薩衆住虛空中精勤一心以
出過諸天諸供養具供養於佛恭敬作禮阿僧祇音

樂一時同奏

疏後兜率宮下菩薩興供可知將迎興供竟
爾時如來威神力故往昔善根之所流故不可思議
自在力故兜率宮中一切諸天及諸天女皆遙見佛
如對目前

疏第一見佛興供中二先諸天後百千億那由他
先住下明菩薩前中三初明承力見佛一現佛神
力二宿善力三法門力

同興念言如來出世難可值遇我今得見具一切智
於法無礙正等覺者如是思惟如是觀察與諸衆會

60123456789

悉共同時奉迎如來。

疏一 同興下慶遇奉迎。

各以天衣盛一切華盛一切香盛一切寶盛一切莊嚴具盛一切天栴檀末香盛一切天沉水末香盛一切天妙寶末香盛一切天香華盛一切天曼陀羅華悉以奉散供養於佛。

疏三 各以下正明興供於中三初十句衣盛供以散佛表修寂滅以趣果故。

百千億那由他阿僧祇兜率陀天子住虛空中咸於佛所起智慧境界心燒一切香香氣成雲莊嚴虛空又於佛所起歡喜心雨一切天華雲莊嚴虛空又於佛所起尊重心雨一切天蓋雲莊嚴虛空又於佛所起供養心散一切天鬢雲莊嚴虛空又於佛所生信解心布阿僧祇金網彌覆虛空一切寶鈴常出妙音又於佛所生最勝福田心以阿僧祇種種色天衣雲莊嚴虛空一切瓔珞雲無有斷絕又於佛所生深信心以阿僧祇諸天宮殿莊嚴虛空一切天樂出微妙音又於佛所生最勝難遇心以阿僧祇種種色天衣雲莊嚴虛空雨於無比種種妙衣又於佛所生無量歡喜踊躍心以阿僧祇諸天寶冠莊嚴虛空雨無量天冠廣大

成雲又於佛所起歡喜心以阿僧祇種種色寶莊嚴虛空雨一切瓔珞雲無有斷絕。

疏一百千億下十句明起心雨供嚴空顯所修行稱法性空空有無礙是嚴空義

百千億那由他阿僧祇天子咸於佛所生淨信心散無數種種色天華然無數種種色天香供養如來又於佛所起大莊嚴變化心持無數種種色天栴檀末香奉散如來又於佛所起增上心持無數種種色蓋隨逐如來又於佛所起增上心持無數種種色天寶衣敷布道路供養如來又於佛所起清淨心持無數種種色天樂出妙音聲供養如來

無數種種色天寶幢奉迎如來又於佛所起增上歡喜心持無數種種色天莊嚴具供養如來又於佛所生不壞信心持無數天寶鬘供養如來又於佛所生無比歡喜心持無數種種色天寶幡供養如來百千億那由他阿僧祇諸天子以調順寂靜無放逸心持無數種種色天樂出妙音聲供養如來

疏三百千億那由他阿僧祇天子下九句雜申供養表萬行雜修故調順寂靜無放逸心應分爲二則有十句先諸天興供竟

百千億那由他不可說先住兜率宮諸菩薩衆以從

撰述

華嚴疏金石錄

超過三界法所生離諸煩惱行所生周徧無礙心所生甚深方便法所生無量廣大智所生堅固清淨信所增長不思議善根所生起阿僧祇善巧變化所成就供養佛心之所現無作法門之所印出過諸天諸供養具供養於佛。

疏第二菩薩興供中二。光明行成依報供後其諸菩薩下身出正報供前中二十七句文分爲三。初十句多因成多果之供次八句一因成一果供後九句一因成多果供應有四句由多因成一果攝在初段以多因能一一成故又初段卽一切中有

一及一切中有一切次段卽一中一後段卽一切也。

今初十句一時併舉多因後通成諸供出過諸天者勝故多故餘可知。

以從波羅蜜所生一切寶益於一切佛境界清淨解所生一切華帳無生法忍所生一切衣入金剛法無礙心所生一切鈴網解一切法如幻心所生一切堅固香周徧一切佛境界如來座心所生一切佛衆寶妙座供養佛不懈心所生一切寶幢解諸法如夢歡喜心所生佛所住一切寶宮殿。

疏第二一因一果中皆因果相似一益以障塵若度能除蔽二帳以庇蔭若悲爲佛境華以開敷如覺解清淨三法忍和悅用嚴法身四演教網則震金剛之妙音觀教網則不礙文而見理五香氣聞而不可見見而不可攬猶幻法見而不可取取而不可得知知幻無堅以成堅法六周徧法空是佛智身所依之境座之義也七摧懈慢幢樹法勝幢故八諸法如夢是佛棲託之所也

無著善根無生善根所生一切寶蓮華雲一切堅固香雲一切無邊色華雲一切種種色妙衣雲一切無

邊清淨栴檀香雲一切妙莊嚴寶益雲一切燒香雲一切妙鬱雲一切清淨莊嚴具雲皆徧法界出過諸天供養之具供養於佛

疏第三無着下一因多果供無著無生但是一義無生約理無著約智此二契合方成一因文中九句可知

其諸菩薩一身各出不可說百千億那由他菩薩皆充滿法界虛空界其心等於三世諸佛以從無顛倒法所起無量如來力所加開示衆生安隱之道具足不可說名味句普入無量法一切陀羅尼種中生

撰述

華嚴疏錄卷之一

不可窮盡。辯才之藏心無所畏。生大歡喜。以不可說無量無盡。如實讚歎法。讚歎如來。無有厭足。

疏第二身出正報供中。文有十句。初二明現身德量。謂一一量周法界。德齊佛故。次以從下三句。明勝辨之因。次具足下四句。顯勝辨所依。後以不可下一句。正申辨讚。皆從總持辨藏之所流。故情動於中。故形於言。言猶不足。敬之至也。鈔情動於中等者。卽子夏詩序。具二情動於中。而形於言。言之不足。故嗟歎之。嗟歎之不足。故詠歌之。詠歌之不足。故不知手之舞之。足之蹈之。上菩薩興供。

合前諸天迎佛興供科竟。

爾時一切諸天及諸菩薩衆見於如來應正等覺不可思議人中之雄。

疏第五爾時一切下。覩佛勝德中分二。光明覩佛身雲勝德後。爾時如來大悲下。明現勝德之意。前中分二。初覩勝德後。時彼大衆咸見下。見佛光用前通十眼所見。後約天眼所見。今初也然。此經文次第具顯。如來二十一種殊勝功德。以文言浩汗。致古釋同迷。然離世間品雖具二十一句。而此文義兼廣。故隨便引於諸論。文分爲三。初總觀如來。

撰述

華嚴藏經卷之二十一

次別觀德相三結成觀解。鈔而此文義兼廣者。以離世間品初歎佛有名無釋。今文有釋無名。四紙餘經次第具釋二十一德故云文義兼廣。四紙餘經文廣其中句義該收諸論異釋無遺故云義廣。由此故於此中引於諸論將論釋經將經證論故云隨便古人亦引諸論在離世間既無經文論無憑據由此無名故古德同迷賢首以下總結十句分爲十段刊定以十六三業配之並如下引今並不用。

疏今初畧舉三德以顯一雄一者如來二言應者。

卽是應供三正等覺卽正徧知此一應字亦通屬下隨應覺故此卽總句離世間品名妙悟皆滿佛地攝論皆名最清淨覺親光釋云謂佛世尊普於一切有爲無爲所應覺境正開覺故此釋正義揀異邪覺又於一切所應覺境淨妙圓滿正開覺故此釋最清淨義亦明覺滿揀異菩薩又於一切如所有性盡所有性正開覺故此釋符今等字謂雙照二諦平等覺故亦是徧義故云正徧知鈔離世間品名妙悟皆滿三者上釋經中總句此下會其總句異名然攝論本論卽無著所造世親無性

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

華嚴疏錄卷之一

二俱有釋。唐三藏俱譯皆有十卷。此並當第五。今依無性釋所知相中。因云。若欲釋大乘法。畧由三相一由說緣起。二由說從緣所生法相。三由說語義論曰。說語義者。謂說初句。後以餘句分別顯示。或由德處。或由義處。釋中云。已得在已圓滿饒益。故名爲德。未得在已隨順趣求。故名爲義。論曰。德處者。謂說佛功德。卽二十一種殊勝功德。釋中云。最清淨覺。卽是初句。由所餘句。開顯其義。親光釋云者。親光卽佛地經論王。一本攝論。不解總句。此菩薩解。自有三釋疏。便以義揀斷釋之。然此三釋。

有其二意。一別別釋總句。一釋正字。二釋最清淨字。三釋等字。彼無等字。義符今經。二者於所覺法影畧出之一。約爲無爲。爲所應覺境。三云。一切爲所應覺境。三以如所有性等爲所應覺。故小異也。爲與無爲總明所覺不出二故。二一切法。曲盡差別。故三如所有等通能所故。其如所有性等。今當畧說。卽雜集論第十一云。事邊際所緣者。謂一切法盡所有性。如所有性。彼疏釋云。事邊際等者。事有二種。一是自相事。二是共相事。初能緣心。盡法分量。後能緣心。如諸經中所有共體俱稱邊。

撰述

聖嚴疏錄卷之二

際此中事卽是境就文分三初標章次開一義後別釋此上是初二段下卽別釋論云盡所有性者謂蘊界處爲顯所知諸法體事唯有爾所分量邊際是故建立蘊界處三彼疏釋云謂盡有爲無爲諸法自相論云如所有性者謂四聖諦十六行真如一切行無常一切行苦一切法無我涅槃寂靜等空無願無相彼疏釋云此中畧明四種共相第一諦門謂四聖諦第二行門謂十六行及真如第三鄖陀南門謂一切行無常至寂靜四解脫門謂空無相無願本論舉境不舉能了論云由如是等

義差別門了所知境故名如所有性疏先釋通名次別釋此初也謂由如是四諦十六行等是盡所有性中差別義其能緣心如諸法中所有差別皆悉了知故名如所有性論或以諦門了所知境彼疏云謂卽前所說諸蘊界處隨其所應了知是苦乃至是道彼疏別釋四差別卽爲四段此初文也謂總觀前盡所有性中蘊界處有漏者觀於苦集其無漏者觀其滅道故云隨其所應論云或以行門了所知境說一一諦各有四行及一切法無有差別皆真如行彼疏云前諦及法門約所緣得稱

此下就能緣得稱。卽是四諦。各別有四行。卽是前總作諦解。而了蘊等。今約一一諦中。別作四相解。而起四行。及一切法作總相。真如緣。而起真如行。卽名了無常及真如等。行解名行。卽前十六行。是緣安立行。後真如行。是緣非安立行。論或以諸法鄔陀南門。了所知境。卽諸行無常。乃至涅槃寂靜。彼疏鄔陀南者。舊爲憂陀那訛也。正翻爲說義。當無問自說。隨義作名。亦總畧義。或名標相義。謂一切行無常。是有爲標相。涅槃寂靜。是無爲標相。論或以解脫門。了所知境。謂空無願無相。如是等。彼

疏云。謂離繫涅槃。稱爲解脫空。定諸心所。是趣入涅槃所依之門。此中卽以空等三空門。以了前境。卽了所知諸法。是空及無相。謂雙照下。疏釋第二義。釋曰。二性之義。已畧備矣。其盡所有。唯是世諦。其如所有通於二諦。則顯如來自相共相。若教所說。若法本性。無不證知。如實覺故。疏中但云。雙照二諦平等覺。故然二諦平等。則二性無礙。無所不收。旣無不知。卽是徧義。

疏。彼經無正等言。此經闕最清淨。上妙嚴品。則有最言。故云於一切法成最正覺。下離世間中。復有

撰述

妙悟。妙者微妙。離覺相故。悟覺及知。名異義同。妙正徧最。名義俱別。所揀異故。若世親無性。不解總句。但以下別德成斯一覺。故清淨覺句句皆徧。

鈔彼經無正等下會四經文言有影畧。總皆含具。於中先列四別後妙者微妙下會釋妙正徧最者。妙揀取相。正揀於邪徧揀不周。最揀未極。如初會說餘義可知。

其身無量不可稱數。現不思議種種神變。令無數衆生心大歡喜。住於諸佛廣大之身功德善根悉已清淨。色相第一無能映奪。

疏第二其身下別觀德相。二十一德分二十段。後二合故然攝論中。二十一德通有三節。一先列經二十一句。二無著菩薩立功德名。以爲解釋。三無性等。但釋論名以符經旨。今各句句配屬其佛地論釋。有同攝論。有異攝論。異者引之。今初明不二現行經也。卽觀察如來一向無障轉功德此是無著立名。他皆倣此。鈔今各句句配屬者。以論中

撰述

華嚴疏錄卷之二

三

三

三節各一時併舉謂第一列經二十一句。第二本論一時立二十一德之名。第三釋論次第一時牒釋故今各配摘成二十段疏中文各有二先釋名義後釋經文。今初不二現行先釋名義中具指經論及釋三段可知。但無性釋論中先牒本論功德之名後方指經如此段云謂於所知一向無障轉功德者此卽開示不二現行下皆準此世親則先牒經今疏皆先牒經後引本論立名故釋名義中且分爲二牒經立名二引釋論釋初中其卽觀察如來五字是疏義加順於此經觀佛德故餘皆出德體。

是彼論文今初不二現行先牒經立名可知。

疏無性二釋一云謂佛一向無障礙智於一切事品類差別無著無礙故非如聲聞等有處有障有處無障二種此約離所知障智德滿故非如聲聞有處有障者謂於極遠時方無邊差別諸佛法中。有無智轉鈔此約離所下疏取下生起中意以出德體。

疏第二釋云或二處現行此中無有如是所說二

種現行此釋二處亦前有障無障但前釋約表爲一智轉此釋約遮故無彼二正同下經二行永絕。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

撰述

華嚴藏金經卷之二

○疏世親同於後釋。親光云。凡夫二乘現行二障世尊無故。凡夫現行生死起諸雜染。二乘現行涅槃棄利樂事。世尊無彼現行二事故。名不二現行。鈔世親所解者文全同也。然世親有四。一牒經名。二自解釋。三舉本論帖。四重釋。如此段云。此中不二現行者。一牒經謂二現行。此中無有是故。說名不二現行。二釋義。即是於所知一向無障礙轉功德。三舉本論帖非聲聞獨覺智亦有障亦無障故。四重釋也。文多如此言。親光下會親光釋用此消文。

疏無性生起云。云何而得此最勝覺。故次說此。諸聲聞等於所知境有二現行。所謂正智不染無知。佛無此故。鈔無性生起云下。第三段此是無性釋論總畢。重復條流生起次第而不曉者。謂爲再釋。今亦摘其生起爲二十段句句別配。此卽躡前總句。生此別中第一句也。故前釋云。此約離所知障。不染無知卽所知障體。揀異染污無知耳。

疏文中分二。初廣顯利樂。明離所知故。不同二乘。二住於下。結成所住彰離煩惱不同。凡夫前中三。初明應廣順機令喜。二普偏下。明其偏應定慧莊。

嚴。生物善根。三示現下。彰應用深廣。雖超語言。而無遺曲濟。鈔文中二下。二釋文。雙用二論。初廣利樂。是親光意離所知故。卽無性意下。離煩惱。卽唯親光意。若約親光不二。現行雙離二障。雙異凡小。定慧莊嚴等者。釋經以佛莊嚴至安住善根。言定慧者。卽法華第一云。佛自住大乘。如其所得法。定慧力莊嚴。以此度衆生故。

疏二結成所住者。初句明智住法身。能住所住。二俱廣大。下句心無煩惱。善根清淨。色相超倫。具上二義。名清淨覺。他皆倣此。鈔能住所住俱廣大。

者所住卽法界。法身徧一切處故。廣大智稱法身。等彼真性。如日光含空。具上二義下。結歸總句。兼例下文。

智慧境界。不可窮盡。無比三昧之所出生。其身無際徧住。一切衆生身中。令無量衆生。皆大歡喜。令一切智種性不斷。

疏第二智慧已下。明趣無相法。卽觀察如來於有無無二相真。如最勝清淨能入功德。

疏無性云。爲明斷德。故次說之。不住生死涅槃。相故卽無住涅槃。鈔後無性下。引釋論釋。於中文

撰述

華嚴疏錄卷之一

之

二。一明無性生起卽無住涅槃五字是疏餘皆是論

疏然無相法卽是清淨真如趣謂趣入謂此真如諸法無性以爲相故非是有相體卽圓成自相有故非是無相此二不相離名無二相諸法中勝故名最勝遠離客塵故名清淨旣自能入亦令他入爲最清淨自入則不住生死他入則不住涅槃鈔工然無相法下疏取釋論釋然疏雙用二釋論文消經及本論名理無不盡而文或取捨無性具云謂此真如有圓成相無徧計所執相由此道理

明無二相無有無相是實有故無有有相所執無故最勝清淨能入功德者謂卽真如最勝清淨一切法中最第一故遠離一切客塵垢故於此真如自覺能入亦令他入是故說名最勝清淨能入功德世親釋云趣無相法者謂清淨真如名無相法趣謂趣入卽是於有無無二相真如最勝清淨能入功德謂此真如非是有相諸法無性以爲相故亦非無相自相有故於此無相真如最勝清淨能入故最勝能入故清淨能入故釋曰觀上二論以對疏文昭然可見

撰述

華嚴疏錄卷之一

疏文中先明自入後明他入。今初先明不住生死。智稱如境。皆不可盡無比三昧令智出生。又令真如出二障故。二其身下明不住涅槃同體大悲。徧住物身。心真如性。物物徧故。一令無量下辨令他入。一則大悲冥熏。二則大智爲說。令於身中見如來性。成一切智故。種性不斷。是入義也。此用常寂名爲涅槃。鈔徧住物身者。如有偈云。我今解了如來性。如來今在我身中。我與如來無差別。如來卽是我真如。

住於諸佛究竟所住。生於三世諸佛之家。令不可數

衆生信解清淨。令一切菩薩智慧成就。諸根悅豫。法雲普覆虛空法界。教化調伏無有遺餘。隨衆生心。悉令滿足。令其安住無分別智。出過一切衆生之上。

疏第三住於諸佛究竟已下。明住於佛住。卽觀察如來無功用。佛事不休息。功德爲欲得上無住涅槃。故次明之。鈔爲欲得上下。第二引釋論釋。但有生起義。在釋文之中。

疏文中初明所住。後彰住益。今初言佛住者。謂聖夫梵等。皆佛所住。而於性空大悲。徧善安住。大悲性空。卽是佛家。故能不住生死。涅槃爲究竟住。此

撰述

華嚴疏錄卷之二

三

致

卽恩德是以親光亦名爲觀所謂化功德常住大悲晝夜六時觀世間故後令不可下彰住家益初明由住大悲故能益物無遺是不休息義由住性空自無功用故能令物住無分別出過衆生總顯勝也鈔文中下釋文爲一從多而言前段卽釋經後段卽釋論在文易了而取論意若具引釋論者無性論云謂不作功用於諸佛事有情等中能無間斷隨其所應恒正安住聖天梵住非如聲聞要作功用方能成辦利有情事非如外道雖有所住而非殊勝天住謂四種靜慮梵住卽是悲等無

量聖住卽是空無相等世親云謂住佛所住無所住處性空也謂此住中常作佛事無有休息

故也

大悲

今用二論以釋經文大悲性空者大悲是利他家性空是自利家故法華經明大悲爲室淨名云畢竟空寂含况二相導真實家也故雙安位故能不住下卽上大悲般若所輔翼故

獲一切智放大光明宿世善根皆令顯現普使一切發廣大心令一切衆生安住普賢不可壞智偏住一切衆生國土從於不退正法中生住於一切平等法界明了衆生心之所宜現不可說不可說種種差別

撰述

華嚴疏錄卷之二

如來之身。非世言詞而歎可盡。能令一切常思念佛。充滿法界。廣度羣生。隨初發心。所欲利益。以法惠施。令其調伏。信解清淨。示現色身。不可思議。

疏第四獲一切下。明逮得一切佛平等性。下云。得佛平等。卽觀察如來於法身中。所依意樂作事無差別功德。

疏如上佛住爲共不共。故次明之。此一切諸佛。展轉和雜而同住故。一切諸佛三事無差。非如聲聞但有所依。鈔此一切諸佛下。躡上生起以爲問端。故今答云。和雜而住。此亦釋經從一切諸佛三

事已下釋論。此但標名。

疏文卽分三。初明所依無差別。謂一切智。以一切諸佛皆依真如清淨智故。放大光下顯智之用。二普使已下。明意樂無差。謂同有利樂。勝意樂故。普使之言。卽意樂也。不可壞智。卽如來歲。普賢菩薩自體徧故。染而不染。名不可壞。反源照極。故名安住。三徧住下。作業無差。一切皆作受用變化利他事故。於中先明作業周徧。鈔文中別釋三事。皆先牒名舉釋論。釋後隨經別解。普使之言下。是疏此德世親但配屬而已。

601234567897012345678980123456789

疏次從於下。作業所依。卽自受用身。一受不失。名爲不退。謂得法性。卽念不退。此後親生佛智。此智生已。還住法界。次明了已下。正顯作業。初觀機後。現不可說下。作業受用變化。各有多類。名不可說。差別之身。能令已下。彰業之益。一能益他。二隨初下。滿本所願。亦令於物能現色身。此上四段。明其自利。後十七段。明其利他。

等觀衆生心無所著。住無礙。住得佛十力。無所障礙。心常寂定。未曾散亂。住一切智。

疏第五等觀衆生下。明到無障處。卽觀察如來修

一切障對治功德。利他之中。先明化障對治。故次明之。謂已慣習一切煩惱。及所知障。對治聖道。卽一切智。及定自在性。鈔謂已貫習下釋德名。全
是無性論。

疏故論名爲修治。又已到永離一切習氣所依趣處。經名到無障處。二文互顯。以有治必無障。無障由有治故。鈔從故論名爲修治。是疏釋。又已到下。復是無性論釋。疏將屬經故結云。二文互顯。疏文中心無所着。是無煩惱障。住無礙。住明無所知障。得佛十力。卽是種智。是所知障治。心常寂定。

撰述

華嚴疏鈔卷之一

三

到

住一切智卽煩惱障治

輶轍道人嚴大參捨資五兩七錢七分刻此一
由卷伏願亡父客星公亡母葛氏祖父龍峯公祖
母陶氏蔡氏并一切宗親同升兜率供養慈尊
當來初會參隨證果

大方廣佛華嚴經疏鈔卷二十二之一

終

于闐國三藏沙門實叉難陀譯

清涼山大華嚴寺沙門澄觀撰述
升兜率天宮品第二十三之二

善能開演種種文句眞實之義能悉深入無邊智海
出生無量功德慧藏。

疏第六善能開演下明不可轉法卽觀察如來降
伏一切外道功德由有上能治故他不能轉利有
情事故次明之謂教證二法皆不爲他所動轉故
無有餘法勝過此故。

撰述

華嚴疏錄卷之二

疏文中初明教道能悉已下證道出生已下二道之益。

恒以佛日普照法界隨本願力常現不沒恒住法界住佛所住無有變異於我我所俱無所著住出世法世法無染。

疏第七恒以佛日下明所行無礙觀察如來生在世間不爲世法所礙功德顯示如來所化之中無高下礙故次明之謂世八風不能拘礙故親光名降魔功德謂色等境不能亂故鈔謂世八風下釋卽疏取意畧釋兼會親光以色等五塵是塵境

故至釋文中方出釋論。

疏文中以佛身日普照法界則橫無礙常現不沒則豎無礙不以無信生盲等而不現故正顯八風不礙恒住已下顯無礙因無有變異示無礙相如摩尼珠不隨物變不著我所於內無礙世法不染於外無礙由住出世如蓮華故如有頌云諸佛常以游於世間利樂一切有情類八法勢風邪分別不能傾動不拘礙鈔不以無信等而不現者卽第一回向中意如有頌云卽無性論。

於一切世間建智慧幢其智廣大超過世間無所染

撰述

華嚴疏鈔卷之二

者拔諸衆生令出淤泥置於最上智慧之地所有福德饒益衆生而無有盡了知一切菩薩智慧信向決定當成正覺。

以大慈悲現不可說無量佛身種種莊嚴以妙音聲演無量法隨衆生意悉令滿足。

疏第八於一切下明其所安立不可思議卽觀察如來安立正法功德由依前方便能作饒益之事故次明之謂十二分教名所安立由深廣故不可思議。鈔謂十二下卽疏取論意釋無性具云謂契經等十二分教名所安立安立彼彼自相共相

故如是安立非諸愚夫覺所行故出世間故不可思議此所安立不可思議卽是功德。

疏文中分二初約所詮以辨深廣後約能詮以明深廣今初初句總顯建卽安立其智下釋超世廣大卽是幢義拔置智地卽是建義所有已下福智相對明高廣義。

疏二以大慈下現身說法約能詮教以明安立諸菩薩記令其皆入佛之種性生在佛家得佛灌頂於去來今心常清淨令諸衆生不著境界恒與一切

601234567897012345678980123456789

察如來授記功德。以上加行利有情事。三世諸佛皆悉平等。故次明之。謂於三世平等性中能隨解了過去未來。曾當轉事。皆如現在而授記故。故下經云。普見三世。鈔謂於三世下釋義卽無性釋然前更有文云。謂於三世平等法性。能徧遊涉。謂於三世平等下。全同彼論。故下經下證成以遊三世經不明顯故。以餘義文中具之。

疏文中初明三世平等之義。故云心常清淨。自得平等。令物不著。使他平等恒與以下正明授記。授記未來。令同過去種性亦名平等。

常遊十方。未曾休息。而於一切無所樂着。法界佛刹。悉能徧往。諸衆生心靡不了知。所有福德離世清淨。不住生死。而於世間如影普現。

疏第十。常遊十方下。明其身流布一切世間。卽觀察如來於一切世界。示現受用變化身功德。顯上利益一時頓徧。非次第作。故次明之。鈔顯上利益下。生起義在文中。易故不總釋。無性云。謂隨所化徧諸世界。示現兩身利樂彼故。

疏文中初通辨二身。常約豎窮徧約橫廣。十方法界。綺互其文。後諸衆生心下。總顯現相德無不淨。

故不住生死機無不鑒。故普現世間。以智慧月普照法界。了達一切悉無所得。恒以智慧知諸世間如幻如影。如夢如化。一切皆以心爲自性。如是而住。

疏第十一。以智慧月下明於一切法智。無疑滯。卽觀察如來斷疑功德。以於上十方彼彼之處。作斷疑事。故次明之。謂於諸境善決定故。故下經云。智不恒明達。一切諸法。鈔謂於諸境下釋義全無性論。

疏文中初自斷疑。非不自決能斷他疑。故智月普

照總明了境。了達無得。是了真境。非不證真。能了俗故。恒以智下。明了俗境。一切皆以心爲自性。義通二境。攝境爲心。是世俗勝義。心之自性。即是真如。是勝義勝義。如是而住。以無所得而爲方便。雙照真俗。無住住故。菩薩智光月。法界以爲輪游。於畢竟空。世間靡不現。亦可屬上現受用身。鈔文
中二疑。亦是論文。論但有兩句。云非於諸法自不
決定。能決他疑。此反釋也非離決定能斷疑故。順也。但用
上句。若準梁論。具四無礙智。能自決疑。具四無礙
辨。能決他疑。菩薩智光月者。卽五十九經偈。亦可

撰述

聖嚴正錄卷之二

五

屬上者。此文通一勢。上約屬十一爲自斷疑。亦通第十。其身流布一切世間。則斷他疑。方屬第十一。以屬後爲正。故云亦可屬前。

隨諸衆生業報不同。心樂差別。諸根各異。而現佛身。如來恒以無數衆生而爲所緣。爲說世間。皆從緣起。知諸法相。皆悉無相。唯是一相。智慧之本。欲令衆生離諸相著。示現一切世間性相而行於世。爲其開示無上菩提。

疏二。隨諸已下。能斷他疑。初明隨機現身。如來已下。所斷疑境。爲說緣起。是斷疑法。深入緣起。疑見

亡故。知緣起無性故。知法無相。無相無異。故名一相。智體理成。故爲其本。鈔深入緣起者。淨名云。深入緣起。斷諸邪見。有無二邊。無復餘習。寶積偈云。說法不有亦不無。以因緣故。諸法生。故由見因緣。能斷疑故。

疏後。欲令下正明斷疑。若離相著。開示菩提。疑方斷故。

爲欲救護一切衆生。出現世間。開示佛道。令其得見。如來身相。攀緣憶念。勤加修習。除滅世間煩惱之相。修菩提行。心不散動。於大乘門。皆得圓滿。成就一切。

撰述

華嚴疏鈔卷之二十一

六

至

諸佛義利。

疏第十一爲欲救下。明於一切行成就大覺。卽觀察如來令入種種行功德。由所化生性有差別。故次明之。謂入種種行皆成大覺。下經但云了一切行。鈔謂入種種下釋義。一論易故。但以經屬論而已。今疏釋意。以成就大覺屬所知。卽隨種種心行差別化之。究竟至於一切智故。如釋文中。故以法華開示悟入意釋耳。

疏文中初約說法令入。開示佛道者。令悟入故。後令其下。約現身令入攀緣修習。是進善行。除滅已下。是離惡行。修善提行。總舉萬行。心不散動。卽是入義。旣萬行齊修。則因無不滿。果無不成。

悉能觀察衆生善根。而不壞滅清淨業報。智慧明了。普入三世。

疏第十三。悉能觀察下。明於諸法智無有疑惑。卽觀察如來當來法生妙智功德。由卽於前所化。有能無能。善巧別知。故次明之。謂聖聲聞言。此人全無少分善根。如來知彼善法當生現證。過去微少善根種子所隨故。鈔由卽於前下生起。謂聖聲聞下。釋義。皆無性意。

601234567897012345678980123456789

撰述

華嚴疏錄卷之二

七

到

疏故文云悉能觀察下經云盡一切疑如求度者遠劫採薪興一善念佛便知故觀已便化故不壞其清淨業報智慧已下釋其所以以智普入無不知故故親光名爲能隨所應恒正教誨功德謂於諸法懷疑惑者無有堪能隨應教誨唯佛能故名智慧明了則第十一是自斷疑此斷他疑鈔如求度者遠劫採薪者卽大莊嚴論第九因說供養聲聞得無量福何況如來便引此緣昔有一人因緣力故發心出家往至僧坊值佛不在詣身子所身子觀其無少善根詣諸比丘比丘先問誰不度汝云舍利弗如是展轉皆不度之如來大慈至僧坊門爲說偈云一切種智身大悲以爲體佛於三界中見諸受化子猶如牛求犢愛念無休息以手摩頂其人悲泣具說不度因緣佛說偈云身子舍利弗者彼非一切智亦不解體性不盡知中下彼識有齊限不能深解了無有智能知微細之業報遂牽入僧坊與度得道身子問云我觀此人無少善因云何與度使得道耶佛言汝智微淺此人過去無量劫前爲一貧人入阿蘭若山林取薪爲虎所逼以怖畏故稱南無佛種子今熟故吾度之得

撰述

華嚴疏金卷之二

羅漢耳。故上云。微少善根種子所隨。則第十一者。若準無性世親。皆十一斷他疑。今順親光。故爲此說。

永離一切世間分別。放光明網。普照十方一切世界。無不充滿。色身妙好。見者無厭。以大功德智慧神通。出生種種菩薩諸行。諸根境界。自在圓滿。作諸佛事。作已便沒。

疏第十四。永離一切下。明凡所現身。不可分別。下經但云。無能測身。卽觀察如來。如其勝解。示現功德。由上云善巧別知。故此次云於前所化邪正。及俱行中。無有分別。鈔由上善巧別知下。生起。此上是疏躡前生後。無性但云。卽於所化。有情邪正。俱行中。所應現相。不可分別耳。義在文中。

疏文中。初二句明無分別義。世虛妄解。種現俱亡。故云永離。由自無分別故。餘不可以分別知。故親光名爲能正攝受。無染自體殊勝功德。謂佛身功德。非是雜染分別所起。無煩惱業生之雜染。故不可分別。而無性云。隨機現身。如摩尼珠。無分別者。則順今文佛無分別。不順彼經不可之言。鈔而無性云。下會通釋論。然無性具云。謂隨有情種種

撰述

金剛經卷之二

九

勝解現金色等。雖現此身而無分別。如摩尼珠及簫笛等。廣說如彼如來密經釋曰。故疏斷云。則順今文。

○疏次放光明下彰所示現皆無分別見無厭足。則顯衆生不能分別。如瞿波觀佛毛孔念念無厭不能窮究故。鈔如彼瞿波觀佛毛孔卽七十五經疏以大功德下辨能現德出生已下明所現益諸根以下辨所現相謂諸根圓滿境界自在作諸佛事總彰現意作已便沒明現時分既隨勝解現則感謝應移。

善能開示過現未來一切智道爲諸菩薩普雨無量陀羅尼雨令其發起廣大欲樂受持修習。

疏第十五。善能開示下明一切菩薩等所求智。卽觀察如來無量所依調伏有情加行功德爲欲引發任持不定種性聲聞菩薩唯讚大乘故次明之言等所求者無不求故佛地名爲正所求智。謂唯菩薩正能求故鈔言等所求下是疏釋經義在釋文。

疏文中初明所求卽一切智此所求智即是無量菩薩所依而言道者通因果也爲諸已下卽成所

601234567897012345678980123456789

依義謂由無量菩薩爲欲調伏諸有情故。發起加行。要以佛增上力故。聞法爲先。獲得妙智。而爲所依。令其發起廣大欲樂者。即是調伏有情加行。受持修習者。卽成智之因。鈔此所求智。卽是無量菩薩所依者。卽是無性釋。而言道下。是疏釋經。謂由無量菩薩。本論此下。更有文云。異類菩薩。攝受付囑。展轉相續。無間而轉。由此證得一切菩薩等。所求智。釋曰。此卽疏中所成之智。謂依此智化生。令生成於此智。故菩薩皆求。

成就一切諸佛功德。圓滿熾盛。無邊妙色莊嚴其身。

一切世間靡不現覩。永離一切障礙之法。於一切法真實之義。已得清淨。於功德法而得自在。

疏第十六。成就一切下。明得佛無二住。勝彼岸。卽觀察如來平等法身。波羅蜜多成滿功德。爲遮所化。於大師所。疑一切智非一切智。故次明之。由滿諸度。是一切智。言無二者。卽平等也。平等有二。一法身平等。於法身中。滿諸度故。二果位諸度。無增減。故名爲平等。親光則以住於法身。卽是彼岸。不說諸度。故云法身無差別相。名爲無二。緣彼勝定常住其中。故名爲住。卽無二住。名勝彼岸。佛已窮

撰述

卷之二

到。故名爲得。鈔由滿諸度下疏取意答前疑也。
 從言無二者。卽無性菩薩以彼經文會於本論。從
 平等有二下釋義。二義皆無性論云。依平等法身
 波羅密多果位成滿故。卽前意也。論云。或平等無
 減無增。於法身中波羅密多一切成滿。其中無有
 或增或減。非如於彼菩薩地中波羅密多有增有
 減。釋曰。卽後意也。一中前義平等屬於法身。後義
 平等屬於諸度。然皆法身是所滿。諸度是能滿。下
 親光法身。卽是波羅密多世親同無性前義。

疏文中初滿諸度。故云熾盛次無邊下。以度滿故。
 莊嚴法身。故法華云。微妙淨法身。具相三十二以
 八十種好。用莊嚴法身。以十身圓融。不相離。故言
 一切世間者。不隔凡聖。靡不現覩。雙現受用變化
 之身。永離已下。無二礙故。和合識破。相續心滅故。
 於一切下。顯現法身。智純淨故。於功德下。諸度滿
 故。鈔和合識破。卽起信意。前文已有。下復重明。
 爲大法王。如日普照。爲世福田。具大威德。於一切世
 間普現化身。放智慧光。悉令開悟。欲令衆生知佛具
 足無邊功德。以無礙縉繫頂受位。隨順世間。方便開
 導。以智慧手。安慰衆生。爲大醫王。善療衆病。一切世

撰述

華嚴疏錄卷之二

間無量國土。悉能徧往。未曾休息。清淨慧眼。離諸障翳。悉能明見。於作不善惡業衆生。種種調伏。令其入道。善取時宜。無有休息。若諸衆生。起平等心。卽爲化現平等業報。隨其心樂。隨其業果。爲現佛身種種神變。而爲說法。令其悟解。得法智慧心大歡喜。諸根踊躍。見無量佛。起深重信。生諸善根。永不退轉。

疏第十七爲大法王下。明不相間雜如來解脫妙智究竟。卽觀察如來隨其勝解。示現差別佛土功德。以外人聞上平等。謂同一性。故次說言不相間雜。謂一切如來十身體用。各各別故。猶如冥室千

光。鈔謂一切如來下。釋義。此是疏家總釋經中不間雜義。

疏但經云如來解脫。無着釋云。隨其勝解。世親無性皆云。此中勝解。名爲解脫。鈔但經云下。會經論異。第一引二論釋。明本論同經。故云勝解名爲解脫。云何勝解得名解脫。勝解謂於境印持爲性。如於大地作黃金解。便成黃金。一作多解。便爲多矣。斯則不思議作用解脫。如淨名得能令須彌入芥子等。

疏又勝解者。通機及佛。故無性云。謂觀衆生勝解

601234567897012345678980123456789

撰述

華嚴疏金卷之二

三

三

差別現金銀等土不相間雜。如來勝解現在前時隨衆生樂皆悉顯現無不了知名如來解脫等。疏親光又爲一釋。卽離障解脫故云如來妙智。令衆生解脫名如來解脫妙智佛於此智已得究竟疏觀今經中諸論各得一意。

疏復應加佛自得離障及作用解脫謂文云離諸障翳故具無邊德故令其入道故明見善惡是以不可偏取下來勝解其心所樂卽衆生勝解是以不可偏取下經但云具足如來平等解脫鈔復應加佛自離障者以親光但令衆生離故。

疏在文分二初明變化身土不雜二明受用身土不雜無著但云差別佛土畧舉一邊親光則雙明身土合今文意今初變化中先身後土初中先總顯化身超勝次普現者通十法界身放智慧光。合如日義欲令已下彰所化意能爲多化方顯佛德無邊所以名不間雜者以於一切世間普化一佛既爾餘何所化故知所屬不同重重皆徧是不間雜義鈔所以名不間雜下隨難別釋卽是釋經於中先問後故知所屬不同下釋所屬不同卽無雜義如千燈各異重重皆徧是無間義如光光涉

撰述

華嚴疏金言卷之二

古

入故上總言如冥室千光。

疏後以無礙下別化因圓果滿之身初明因圓爲大醫下現果滿身二一切世下明現化土初明非唯能化亦能徧往清淨慧下明佛觀機卽是如來勝解現前於作不善下隨機現土等隨諸衆生應以何國起調伏心入佛智慧而取佛土故云善取時宜無適淨穢故云種種欲該餘化畧無土言義必含有又對後平等但言不善亦應含有漏之善。

疏一若諸衆生下現受用身土先土後身已證真如名平等心覩受用土是平等報上則心有高下此則依於佛慧鈔上則心有高下卽淨名經意螺髻語舍利弗仁者心有高下不依佛慧故見此土爲不淨耳今指土化土是隨心高下今見受用是依佛慧。

疏後隨其心樂下現受用身故親光云於淨佛土現受用身亦不相雜令其已下明現之益親光云大集會中現種種身與諸菩薩受用法樂亦不相雜得智心喜等皆法樂也又心大歡喜卽是初地見諸佛故生歡喜等以證生信故名深重以證不

退故得永言。

一切衆生隨業所繫。長眠生死。如來出世。能覺悟之。安慰其心。使無憂怖。若得見者。悉令證入無依義智。智慧善巧。了達境界。莊嚴妙好。無能曠奪。智山法芽。悉已清淨。或現菩薩。或現佛身。令諸衆生。至無患地。無數功德之所莊嚴。業行所成。現於世間。一切諸佛。莊嚴清淨。莫不皆以一切智業之所成就。

疏第十八。一切衆生下。明證無中邊佛平等。地。卽觀察如來三種佛身方處無分限功德。由疑上。如來妙智究竟。非一非異。其相云何。故次明此。無中

邊等。常無常等。皆二邊相。言方處者。謂諸世界。無分限者。釋無中邊。此無中邊。畧有四義。一。世界無中邊。佛德如彼。無有分限。二。世界無邊。諸佛十身。卽於其中。稱世界量。平等徧滿。三。此法身等於佛地中。平等徧滿。無中無邊。無有分限。四。此法身等徧。一切處爲諸衆生。現作饒益。然非自性。無中無邊。親光復名。此爲真如相。殊勝功德。謂真如相。無有中邊。如此真如。卽是佛地。平等法性。證此性故。徧知一切。於中不染。今此文。中總顯十身。皆無分限。鈔由疑上。如來妙智下。生起。此但發揮前義。

撰述

卷之二

耳。此無中邊下。總會論以釋其義。初之四釋。皆無性意。然此四意異者。一以世間爲喻。二佛身滿世界中。上二皆用世界。三法身徧佛地中。四以契中道故。然疏取意義。則已周。若具無性之文云。謂如世界無中邊。佛地亦爾。功德方處。無有分限。或復世界方處。無邊諸佛三身。卽於其中稱世界量。平等徧滿。以法身卽住如是諸世界中。非餘處故。或法身等於佛地中。平等徧滿。無中無邊。無有分限。或此法身等徧一切處。爲諸衆生。現作饒益。然非自性無中無邊。釋曰。以疏四段。對之可知。則親光

意義同後一。

疏文中分二。先別顯四智十身。後無數下。總結因果。今初先就覺他。翻明自覺。成就法身。於中先明覺他。卽妙觀察智。及成所作智之所利樂。若得見下彰。其所益無依義智。卽大圓鏡。是無中邊佛平等地。以無礙智身。無所依故。則證真如。爲佛地性。轉昔染依。爲智所依。卽是如如及如如智。旣令他證顯自己證也。次智慧下二句。卽妙觀察智。莊嚴無奪顯圓鏡智所現之影。智山清淨。卽平等性智。平等高出。所以名山。四惑已亡。故云清淨。因惑爲

種生必待時。今能生自在。故種受芽稱。或現已下。
 卽平等性所現之影。兼顯十身。不唯此一。故復言
 或。令諸衆生至無患地者。卽成佛地。以遠離微細
 念故。名爲無患。鈔以無礙智身者。卽引出現品。
 成大圓鏡智。是無依義智。故彼文云。一切佛法依
 慈悲。慈悲又依方便。立方便依智。智依慧。無礙慧
 身無所依然。無礙慧卽根本智。二智收四根本。收
 大圓鏡故。餘轉依等義。如十地說。四智之義。已如
 前說。因惑爲種下。釋法身清淨。清淨字兩偏用之。
 故云悉已。謂七識在因。四惑相應。但能領覽內緣
 內熏而成種子。今無四惑。卽此七識能生自在。更
 不內熏。故云爾也。

疏後總結中。初總明。謂十力四智等。莊嚴法身。業
 行所成。卽是報佛。現於世間。結他受用。及變化身。
 總上諸義。則有十身。鈔總上諸義者。一就覺他。
 翻明自覺。是菩提身。二成就法身。及顯如如。卽法
 身三。四智。卽智身。四莊嚴妙好。卽相好莊嚴身。五。
 無能曠奪。卽威勢身。六無數功德。卽福德身。七或
 現菩薩等。卽意生身。八。令生離惑。卽是願身。及九。
 變化身。十。業行所成。現於世間。卽力持身。故云具

十。

疏一切已下總結異因同歸一智。謂智導萬行。故能證此佛平等地。若報若化無不清淨。常守本願不捨世間。作諸衆生堅固善友。清淨第一。離垢光明。令一切衆生皆得現見。六趣衆生無量無邊佛以神力。常隨不捨。若有往昔同種善根。皆令清淨。而於六趣一切衆生。不捨本願。無所欺誑。悉以善法。方便攝取。令其修習清淨之業。摧破一切諸魔鬪諍。

疏第十九常守本願下明極於法界。卽觀察如來

窮生死際。常現利益安樂。一切有情功德。以上言無中邊相。云何無相。故次云極於法界。謂此法界最清淨故。離諸戲論。是法界相。能起等流利益之事。極此法界。無有盡期。親光亦名此德爲證得果。相殊勝功德。謂此窮於清淨法界。如是法界修道得故。以斯則極法界言。有於二義。一同法界常故。二同法界清淨故。鈔以斯下疏會二論。以就經文。常卽前無性意。清淨卽親光意。

疏文中。先明常利樂。廣利樂。今初常守本願者。謂本發心。法界生界。若有盡。我願乃盡。今生界未

撰述

卷之二

五

五

窮故常現利樂。作善友者。世之善友畧有七事。一遭苦不捨。二貧賤不輕三密事相告。四遞相覆藏。五難作能作。六難與能與。七難忍能忍。如來亦爾。爲物隨於六趣。苦而不捨。貧無法財而不見輕。本性客塵無不相告。善根未熟則以權覆實。堪真實化則以實覆虛。著弊垢衣執除糞器爲難作能作。解髻明珠爲難與能與。生違佛化乃至多劫心無退動爲難忍能忍。無不究竟方明堅固。鈔如來亦爾下。善友七事畧無次第。義無不具。前三通諸教。四善根已下。卽法華意。則於一佛乘分別說三。

爲權覆實會三歸一。示真實相。卽以實覆虛。上卽法說周意。五著弊垢衣。卽信解品意。謂不說十蓮華藏之相。故云脫珎御服。而說三十二相等。爲著一弊垢衣。久證菩提。示以三十四心斷結等。爲執除糞器。六卽安樂行品。輪王解髻明珠喻。一乘圓旨。喻若明珠。昔爲權覆。如在髻中。開權顯實。爲解髻與珠。七意亦通。

疏次清淨已下。明同法界清淨。雖復常化離能所相。故名第一次。六趣下廣多不捨。次若有已下。不捨昔緣。次而於下。通顯不捨。若翫不隨。則捨本願。

撰述

聖嚴法華經卷之二

如願能作。名不欺誑。次悉以下。彰攝巧益。令同法界清淨。摧魔惑故。從無礙際。出廣大力。最勝日藏。無有障礙。於淨心界。而現影像。一切世間。無不覩見。以種種法。廣施衆生。佛是無邊光明之藏。諸力智慧。皆悉圓滿。恒以大光普照衆生。隨其所願。皆令滿足。離諸怨敵。爲上福田。一切衆生。共所依怙。凡有所施。悉令清淨。修少善行。受無量福。悉令得入無盡智地。爲一切衆生種植善根。淨心之主。爲一切衆生發生福德。最上良田。智慧甚深。方便善巧。能救一切三惡道苦。

疏第二十。從無礙際下。顯於二句。謂盡虛空性。窮未來際。卽觀察如來無盡等功德。謂上利樂皆無盡故。深密佛地。具斯二句。開則別中自有二十一句。下離世間。但云等虛空界。而無窮未來際。欲顯圓數故。親光亦云。次後二句。顯示世尊無盡功德。初句自利。後句利他。故云謂如虛空。經成壞劫。性常無盡。如來一切真實功德。亦復如是。如未來際。無有盡期。利他功德。亦復如是。而無著釋。但云無盡功德等。不言開合。世親無性。開此等字。爲究竟功德。故皆云等言等取。究竟功德。則以無盡功德。

撰述

華嚴疏金卷之二

三

釋初句。究竟功德釋後句。而無性意。後句是究竟無盡。與前無盡異者。前則橫論無盡。故云盡一切界。徧作有情諸饒益事。後句則豎顯無盡。故云顯佛功德。永無窮盡。所化有情。永無盡故。同顯無盡。故二句合。自他等異。二句則開。今文意合。欲顯二利不相離故。窮未來際。通在極於法界。及盡虛空故。鈔六今文下。顯今經意雖合。而具無性二義利故。

疏前段中已顯常隨不捨。鈔前段中者。謂無性即向盡虛空下二句。明二利無盡。今顯極於法界

中。已有利樂無盡。

疏爲順二論。文分爲兩。初唯橫論無盡。正明盡虛空性。二爲上福田下。雙約橫豎以顯無盡。兼明窮未來際。今初先二句總言無礙際者。卽法身智身。如彼虛空。無有障礙。無邊無際。無盡無減。無生無滅。無有變易。名無礙際。而能現前作諸利樂。如彼虛空。容受質礙。故云出廣大力。次最勝日下。別顯依空無礙之用。畧舉一日而有四德。一蘊藏千光。二百川現影。三有目皆覩。四生成萬差。名種種施。上一段文。言含法喻。佛是已下。唯就法說。初光明

撰述

華嚴疏錄卷之二

藏卽上日藏。身智光明。含攝出生故。諸力已下。如日無缺。恒以大下。如日舒光。離諸魔敵。降老死冤。如日大明。衆景奪耀。不獨合上。故文有影畧。鈔降老死怨者。淨名云。譬如勝怨。乃可爲勇。如是兼除老病死者。菩薩之謂也。今借用之。

疏二雙約橫豎論無盡者。但云一切通於十方。及來際故。文中先明爲生福智之田。上福田者。具前德故。凡所有下。釋上田義。三義名上。一令清淨。如無荒穢。二因少果多。如涅槃說純陀施福。三入無盡智。如田隨種隨生。如穀展轉無盡。成金剛種。終

不銷故。具斯三義。稱曰上田。次爲一切下。顯爲田主。次爲一切衆生發生下。明體卽是田。後智慧下。明能爲田義。具悲智故。初權實無二。總爲一智。對下能救悲智無礙。合爲一心。則是如來最清淨覺。鈔則是如來最清淨覺者。以在最後。故復結之。句句亦皆合結也。如涅槃說者。經云。我今所供。雖復微少。下佛令汝具足檀波羅蜜。爲果多也。

疏上所引功德之名。全依無著。其所解釋。多依無性。有不同者。亦已對決。與世間品小有同異。大旨無違。至下品中。當更顯示。依上所釋。文旨有據。德

撰述

華嚴疏金卷之二

三

四

相可分。若列宿羅空。粲然不雜。豈得寬文廣申辭句於佛勝德。蔑然畧陳。幸諸後學。不咎其繁而不要也。別觀德相二十段竟

如是信解。如是觀察。

疏第三。如是下。結成觀解。謂前諸德。不出內德。及與外相。今初二句。總明能觀。信解約於仰推。觀察通於諸眼。

如是入於智慧之淵。如是遊於功德之海。如是普至虛空智慧。如是而知衆生福田。

疏後之八句。就所觀德以辨能觀。前四內德。後四外相。前中謂佛內德無量。不出福智。前二福智之體。智慧之淵。畧語其深功德之海。義兼深廣。淵宜趣入。海宜游涉。次二句。福智之用。智廣虛空。福無不益。稱此而已。名普至知。

如是正念現前觀察。如是觀佛諸業相好。如是觀佛普現世間。如是觀佛神通自在。

疏後四外相中。初一句重舉能觀。揀內外故。言正念者。明非散心。了佛德相。唯心無性。靜而能鑒。復云觀察。後三句亦就所觀以辨能觀。初一句總後二句別。身雲普現。卽是相好。神通自在。卽前業用。

撰述

華嚴疏金卷之二

三

前二十一德中。或一句之內。言兼福智。一德之內。體用雙明。若別配屬。義成偏近。鈔若別配屬者。正彈古德。以後十結句。科上二十一德之經。彼云。然此所現佛法界身。豈有有限量。今且依下結文。分爲十門。於中二先顯十門之德。後如是下。正結十門之名。前中卽爲十段。然按後結少不次第。從初至清淨善根已來。超明第十見佛示現不可思議自在神力門。彼約晉經與今小異。恐尋不曉。會取今經。今經卽至功德善根悉已清淨爲第一段。神通自在第二已去。全依今經。謂第二從色相第一。

下却明第一如是信解門。第三獲一切智。放大光門。第二觀察正覺門。第四示現色身。不思議下。明入智慧淵門。第五恒以佛日普照法下。第四入功德海門。第六以大慈悲現不可說無量佛身下。明第七正念現前觀察門。第七以智慧月下明。第五普至虛空智慧門。第八放光明網普照十方下。卽第八觀察如來諸業相好門。第九爲大法王如日普照下。却明第六如是而知衆生福田門。第十清淨第一離垢光明下。却明第九如是觀佛普現世間門。釋曰。此卽賢首解爲十門。以其總名收其別

60123456789

義皆不盡理。故云偏近。况結中不出內德外相。內德不出福智。如何攝得前文。又刊定記科爲十六三業。而段段之中。三業多闕。亦消文不盡。故皆偏近依今之釋。一句無遺矣。

時彼大衆見如來身。一一毛孔出百千億那由他。阿僧祇光明。一一光明。有阿僧祇色。阿僧祇清淨。阿僧祇照明。令阿僧祇衆觀察。阿僧祇衆歡喜。阿僧祇衆快樂。阿僧祇深信增長。阿僧祇衆志樂清淨。阿僧祇衆諸根清涼。阿僧祇衆恭敬尊重。

疏第二時彼大衆下。明見佛光用。前雖有用。乃觀

如來常所具德。今現目覩。故不同也。文中三初覩常光。二覩放光。三顯光意。今初雖云毛出。意取常出。有十一句。初總餘別。前三光相。後七光益。

爾時大衆咸見佛身。放百千億那由他不思議大光明。一一光明。皆有不思議色。不思議光。照不思議無邊法界。

疏二爾時下。覩放光中。先舉體相。

以佛神力。出大妙音。其音演暢。百千億那由他不思議讚頌。超諸世間所有言詞。出世善根之所成就。復現百千億那由他不思議微妙莊嚴。於百千億那由

釋迦

華嚴疏卷之二

他不思議劫歎不可盡皆是如來無盡自在之所出生。又現不可說諸佛如來出興於世令諸衆生入智慧門解甚深義。又現不可說諸佛如來所有變化盡法界虛空界令一切世間平等清淨。如是皆從如來所住無障礙一切智生亦從如來所修行不思議勝德生復現百千億那由他不思議妙寶光燄從昔大願善根所起以曾供養無量如來修清淨行無放逸故薩婆若心無有障礙生善根故。

疏後以佛下辨光業用文有五現一說法二現嚴此二皆先現後因三現佛則先現後意令成教證

二甚深故四現神變五現寶燄光皆先現後因爲顯如來力廣偏故爲斷一切衆生疑故爲令咸得見如來故令無量衆生住善根故顯示如來神通之力無映奪故欲令衆生普得入於究竟海故爲令一切諸佛國土菩薩大衆皆來集故爲欲開示不可思議佛法門故。

疏第三爲顯下現光意並顯可知。

爾時如來大悲普覆示一切智所有莊嚴。牒前現德悲爲能現智爲所現者影畧其文應以

撰述

華嚴疏錄卷之一

三

到

依二嚴體現二嚴德。

欲令不可說百千億那由他阿僧祇世界中衆生。未信者信已。信者增長已。增長者令其清淨已。清淨者令其成熟已。成熟者令心調伏觀甚深法具足無量智慧光明。發生無量廣大之心。薩婆若心無有退轉。不違法性。不怖實際。證真實理。滿足一切波羅密行。出世善根。皆悉清淨。猶如普賢得佛自在離魔境界。入諸佛境了知深法。獲難思智。大乘誓願永不退轉。常見諸佛。未曾捨離。成就證智。證無量法具足無邊福德藏力。發歡喜心。入無疑地。離惡清淨。依一切智。

見法不動。得入一切菩薩衆會。常生三世諸如來家。
 疏二。欲令下正明現意。分二。先明下益衆生。二。開示如來下。明上弘佛道。今初分二。先彰現益。後世尊下。辨現益之因。今初先舉所益。後未信下。辨益不同然此益中。文含多勢。且依一判。先約行布。初五十信始自初信。令心調伏。信位滿故。次七句皆十住益。謂初二句是住中觀慧。次二句下化上求之心。後三句住中證入。知心自性。故曰不違不退。二乘故。不怖實際。不由他悟。是證實理圓教十住。許人證故。三滿足下三句。十行益初句位中之行。

撰述

華嚴疏金言卷之二

三

五

後二句。位中之德四離魔下三句。十向益初句起行。一向利他離二乘等魔。廻向菩提。故入佛境。次句得法隨相離相。無礙難思。後句行成。五常見諸佛下。盡明十地。初四句皆歡喜地。一見受用身。故稱曰常。二根本證真。後得證無量法。又證徧行真如亦名無量。三則僧祇積福。證理出生名福藏力。四發歡喜心。是此位名。入見道故名無疑地。離惡清淨。是第二地。依一切智見法不動。是三四地。得入一切菩薩衆會。是五六七地。常生佛家八地已上。念無有間。故曰常生。若約圓融。初之五句。信中

攝位句各一位。如理思之。鈔句各一位者。初地位。二增長是住位。三清淨是行位。四成熟是向位。五調伏是地位。

疏從觀甚深下。義通諸位。以圓教中。位位攝德。故世尊所現。如是莊嚴。皆是過去先所積集善根。所成爲欲調伏諸衆生故。生後。生後開示。亦是爲生。

開示如來大威德故。照明無礙智慧藏故。示現如來

撰述

卷之二

無邊勝德極熾然故顯示如來不可思議大神變故以神通力於一切趣現佛身故示現如來神通變化無邊際故本所志願悉成滿故顯示如來勇猛智慧能徧往故於法自在成法王故出生一切智慧門故示現如來身清淨故又現其身最殊妙故顯示證得三世諸佛平等法故開示善根清淨藏故顯示世間無能爲喻上妙色故顯示具足十力之相令其見者無厭足故爲世間日照三世故。

疏第二明上弘佛道中分二先別彰所爲二自在已下舉因結歎前中有十七句爲欲顯前二十一

種殊勝功德初句爲總餘皆是別於中前五各攝二德餘句各一第一照明無礙智慧藏句顯二德者一顯不二現行故云無礙無二礙故二顯趣無相法故云照智慧藏慧爲能照藏卽所照無相眞如照明趣達眼目殊稱第二句一顯住於佛住謂住空大悲任運利樂無休息時名曰熾然二顯逮得一切佛平等住謂依清淨智起利樂意作二身業皆熾然故第三句一顯到無障處三顯不可轉法謂此二是降魔伏外功德前由有對治則不爲他動今由有神變乃能轉他第四句一爲顯所行

撰述

華嚴疏金卷之二十一

三

金

無礙。今徧趣現身。即是所行。有漏盡通。八風不染。
 又神通力卽能徧因。一顯其所安立不可思議。謂
 佛威神所建立故。第五句初顯游於三世平等法
 性。約記三世事。亦是神通無邊際言。卽平等性。二
 顯其身流布一切世間。此言甚顯。下皆各攝一德。
 六顯於一切法。智無疑滯。本願已滿故。七顯於一
 切行成最正覺。名智徧往。八顯於諸法。智無有疑
 感。名於法自在。九顯一切菩薩等所求智。十顯凡
 所現身。不可分別。十一爲顯得佛無二。住勝彼岸。
 彼岸已圓。十身殊妙。故十二顯不相間雜。如來解
 脫妙智究竟功德。又諸佛平等皆徧而不相雜。故
 十三顯證無中邊。佛平等地。平等之地。卽清淨藏。
 十四顯極同法界。故云上妙。十五有十力故。能盡
 虛空見者無厭。十六窮未來際。故照三世。

自在法王。一切功德皆從往昔善根所現。一切菩薩
 於一切劫稱揚讚說。不可窮盡。

疏第二舉因結歎前舉積因後歎無盡。五覩佛
 勝德竟。

爾時兜率陀天王奉爲如來嚴辦。如是諸供具已與
 百千億那由他阿僧祇。兜率天子向佛合掌。白佛言。

撰述

華嚴疏錄卷之二

善來世尊善來善逝善來如來應正等覺唯見哀愍處此宮殿。

疏第六爾時兜率下天王請佛處殿亦稱五號並曰善來及下文意皆如第三會說鈔亦稱五號並者一世尊一善逝三如來四應供五正徧知然尋常畧舉下三今加上二故爲五德。

爾時世尊以佛莊嚴而自莊嚴具大威德爲令一切衆生生大歡喜故一切菩薩發深悟解故一切兜率陀天子增益欲樂故兜率陁天王供養承事無厭足故無量衆生緣念於佛而發心故無量衆生種見佛

善根福德無盡故常能發起清淨信故見佛供養無所求故所有志願皆清淨故勤集善根無懈息故發大誓願求一切智故受天王請入一切寶莊嚴殿

疏第七爾時世尊下如來受請分二先受請入殿二爾時一切下入已現嚴前中先明此界後辨結通前中初一句明能應之德次明所爲之意三正受請並顯可知

如此世界十方所有一切世界悉亦如是爾時一切寶莊嚴殿自然而有妙好莊嚴出過諸天莊嚴之上一切寶網周帀彌覆普雨一切上妙寶雲

撰述

華嚴疏錄卷之二

三

全

普雨一切莊嚴具雲。普雨一切寶衣雲。普雨一切旃檀香雲。普雨一切堅固香雲。普雨一切寶莊嚴蓋雲。普雨不可思議華聚雲。普出不可思議妓樂音聲讚揚如來一切種智。悉與妙法而共相應。如是一切諸供養具悉過諸天供養之上。

疏第二現嚴顯是佛力故出過諸天。

時兜率宮中妓樂歌讚熾然不息。以佛神力令兜率王心無動亂。往昔善根皆得圓滿。無量善法益加堅固增長淨信。起大精進。生大歡喜。淨深志樂。發菩提心。念法無斷。總持不忘。

疏第八時兜率宮下天王獲益文中初得定益。往昔已下是進善益。佛神力言通此二益。十住位劣攝散歸靜。故樂音止息。此位超勝得動實性。故動寂無二熾然音樂心不動也。

爾時兜率陁天王承佛威力。卽自憶念過去佛所所種善根而說頌言。

疏第九爾時下承力偈讚然憶念昔因亦是益相取文便故爲說偈依文中二先明此處偈讚後結通十方前中先說偈依。昔有如來無礙月諸吉祥中最殊勝。彼曾入此莊嚴。

撰述

華嚴疏錄卷之十一

三

卷

殿是故此處最吉祥。昔有如來名廣智諸吉祥中最殊勝彼曾入此金色殿是故此處最吉祥。昔有如來名普眼諸吉祥中最殊勝彼曾入此蓮華殿是故此處最吉祥。

昔有如來號珊瑚諸吉祥中最殊勝彼曾入此寶藏殿是故此處最吉祥。

昔有如來論師子諸吉祥中最殊勝彼曾入此山王殿是故此處最吉祥。

昔有如來名日照諸吉祥中最殊勝彼曾入此衆華殿是故此處最吉祥。

昔有如來名法幢諸吉祥中最殊勝彼曾入此寶宮殿是故此處最吉祥。

昔有如來名智燈諸吉祥中最殊勝彼曾入此香山殿是故此處最吉祥。昔有佛號功德光諸吉祥中最殊勝彼曾入此摩尼殿是故此處最吉祥。

疏後正陳偈讚十頌頌各一佛佛各有異畧無別

撰述

華嚴疏錄卷之十一

三

德餘同前會。此佛卽前會十佛。次前十佛。寄位漸深憶念漸遠耳。

如此世界兜率天王承佛神力。以頌讚歎過去諸佛。十方一切諸世界中。兜率天王悉亦如是。歎佛功德。爾時世尊於一切寶莊嚴殿。摩尼寶藏師子座上結跏趺坐。

疏第十。爾時世尊下。如來就座。文分四別。一明就座。

法身清淨。妙用自在。與三世佛同一境界。住一切智。與一切佛同入一性。佛眼明了。見一切法。皆無障礙。有大威力。普遊法界。未嘗休息。具大神通。隨有可化衆生之處。悉能徧往。以一切諸佛無礙莊嚴而嚴其身。善知其時。爲衆說法。

疏二。法身下顯德。亦大同前二十一德。恐厭繁文。不能具釋。

不可說諸菩薩衆。各從他方種種國土而共來集。衆會清淨。法身無二。無所依止。而能自在起佛身行。

疏三。不可說下。衆集。卽眷屬圓滿。然後品衆集。有所表故。但云一萬理實徧集。故此但云不可說衆。未必但是後品之人。

撰述

聖嚴疏錄卷之二

坐此座已於其殿中。自然而有無量無數殊特妙好。出過諸天供養之具。所謂華鬘衣服塗香末香寶益。幢旛妓樂歌讚。如是等事。一一皆悉不可稱數。以廣大心恭敬尊重供養於佛。十方一切兜率陀天。悉亦如是。

疏四。坐此座下現嚴初此界後結通有云此升座一段。宜置入殿之後。歎處之前。迴文不曉者。未必然也。謂初請入殿讚爲請坐。於理何違。鈔有云下敘刊定破經。二未必然也。總非三謂初請入下。出其正理。彼破意云。謂入殿即坐。坐竟方歎。故合

迴文。今明初入殿竟。次卽歎處請坐。後方受請。於理何失。

信官丘履嘉捐俸資五兩七錢四釐刻此

升兜率天宮品疏鈔一卷伏祈

母親張氏福壽無疆幼男源郎聰慧長命

大方廣佛華嚴經疏鈔卷二十二之二 終

撰述

卷之二十一

卷之二十一

卷之二十一

卷之二十一

卷之二十一

卷之二十一

大方廣佛華嚴經疏鈔卷二十三之一

于闐國三藏沙門實叉難陀譯

清涼山大華嚴寺沙門澄觀撰述
兜率宮中偈讚品第二十四。

疏初來意者。前明化主赴感。今明助化讚揚。及顯位體所依。故次來也。

疏一釋名者。謂十方菩薩於此宮中讚佛實德。故受斯名。通二種釋。如第二會。

疏二宗趣者。集衆放光偈讚爲宗。爲說迴向爲趣。爾時佛神力故。

撰述

華嚴疏錄卷之二

三

疏四釋文亦二初集衆。一放光。二偈讚初中。一光明集因謂佛神力。

十方各有一大菩薩。

疏十方下衆集於中文。一光明此會後如此世界下結通今初長分十段。一總舉上首。

一一各與萬佛刹微塵數諸菩薩俱。

疏二眷屬數

從萬佛刹微塵數國土外諸世界中來詣佛所。

疏三來處遠近位增數增故各一萬。

其名曰金剛幢菩薩堅固幢菩薩勇猛幢菩薩光明

幢菩薩智幢菩薩寶幢菩薩精進幢菩薩離垢幢菩薩星宿幢菩薩法幢菩薩。

疏四王菩薩名同名幢者。略有五義。一高出義。表三賢位極故。二建立義。大悲大智建立衆生及菩提故。三歸向義。謂大悲攝生智願攝善歸向菩提。及實際故。四摧殄義。如猛將幢降伏一切諸魔軍故。五滅怖畏義。如帝釋幢不怖惑業故。異名即表十向行體。至偈當明。鈔幢者略有五義者。刊定有七。今畧其二。一高出。二建立下施幢幡中皆有其文。一高出者。亦云高顯。顯卽顯現亦出義也。

撰述

華嚴疏錄卷之二

三

下經願一切衆生建高顯幢。然智慧燈普照世間。二建立者。下經云願一切衆生立堅固幢。悉能摧殄一切魔業。刊定七中。一堅固義。二滅恐怖義。三歸向義。四建立義。五高顯義。六摧殄義。七不爲他壞義。今以堅固卽不爲他壞。準上引經。卽建立中攝。又他不壞在滅怖中攝。涅槃二十一云。修戒定慧。如帝釋幢。不移轉故。故畧其二。謂不爲他壞。及堅固義。三歸向義者。列衆中有如燈幢爲衆所歸。四摧殄者。七十八云。菩提心者。如猛將幢降伏一切諸魔軍故。五滅怖者。智論二十四明修八念。能除恐怖。八念者。於六念上更加息怨於念三寶中。引經證云。佛告諸比丘。釋提桓因與阿修羅鬪。在大陣中時。告諸天衆汝與阿修羅鬪時。設有恐怖。當念我七寶幢。恐怖卽減。若不念我幢。當念伊舍那天子。帝釋左面天王寶幢。恐怖卽除。若不念伊舍那天寶幢。當念婆樓那天子。帝釋右面天王寶幢。恐怖卽除。以是故知幢爲滅怖畏義。

所從來國。謂妙寶世界。妙樂世界。妙銀世界。妙金世界。妙摩尼世界。妙金剛世界。妙波頭摩世界。妙優鉢羅世界。妙旃檀世界。妙香世界。

撰述

華嚴疏金卷之一

疏五所從來利。皆稱妙者。迴向之力。微善彌於法界。故其別名。卽表十向所修法門。一救護衆生。離衆生相。最可貴故。二得不壞信。常樂因故。三等佛。白淨故。四如金徧。至諸色像故。五出用無盡。如摩尼故。六善根堅固。如金剛故。七隨順衆生。不染塵故。八真如之因。如水生華。最爲勝故。九如白栴檀。能去熱惱之縛著故。十如彼香氣能普周故。故下文慈氏座前燒一丸香。彌滿法界。卽其事也。鈔慈氏座前等者。卽六十七經。優鉢羅華長者經云。善男子。兜率天中有香。名先陀婆。於一生所繫菩

薩座前燒其一丸。興大香雲。徧覆法界。普雨一切諸供養具。供養一切諸佛菩薩是也。

各於佛所淨修梵行。所謂無盡幢佛。風幢佛。解脫幢佛。威儀幢佛。明相幢佛。常幢佛。最勝幢佛。自在幢佛。梵幢佛。觀察幢佛。

疏六本所事佛同名幢義不異。菩薩別名。卽表修十向智。亦表當位之果。謂一救護之心。不可盡故。其成無盡佛。一如空中風不住不壞故。三等佛解脫故。四威儀中。無不至故。五明了功德相故。六常能隨順善根故。七隨順衆生善最勝故。八同於真

撰述

聖賢疏金卷之二

四

五

如得自在故。九淨無垢染。不縛著故。十觀察卽是入法界故。

其諸菩薩至佛所已頂禮佛足。

疏七其諸已下到已修敬。

以佛神力卽化作妙寶藏師子之座。寶網彌覆周巾
徧滿諸菩薩衆隨所來方各於其上結跏趺坐。

疏八以佛神力下善住威儀座體云妙寶者。十住
以慧光徧照故以毘盧遮那藏爲體。十行以行淨
離垢故以蓮華藏爲體。今十向大悲處於生死。普
該萬法不拘乎一故座體直云妙寶不限色類。以

教行徧周籠攝衆生加以寶網彌覆其上。
其身悉放百千億那由他阿僧祇清淨光明此無量
光皆從菩薩清淨心寶離衆過惡大願所起顯示一
切諸佛自在清淨之法。以諸菩薩平等願力能普救
護一切衆生。一切世間之所樂見見者不虛悉得調
伏。

疏九其身悉放下放光利物此位多辨悲智救物。
故復辨此於中初光體次此無量下辨光因卽圓
淨迴向心後顯示下畧示光業。智敬上業。悲
救下業。

60 1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

其菩薩衆悉已成就無量功德所謂徧遊一切諸佛國土無所障礙見無依止清淨法身以智慧身現無量身徧往十方承事諸佛入於諸佛無量無邊不可思議自在之法住於無量一切智門以智光明善了諸法於諸法中得無所畏隨所演說窮未來際辨才無盡以大智慧開總持門慧眼清淨入深法界智慧境界無有邊際究竟清淨猶若虛空。

疏十其菩薩衆下畧讚勝德有十一句初總餘別別中十門一神通門二入證門三以智下依智修福四入於下上入果用五住於下住善決擇六於

諸下四辨無盡七智開總持八慧眼見性九智慧徧知十究竟離障。

如此世界兜率天宮諸菩薩衆如是來集十方一切兜率天宮悉有如是名號菩薩而來集會所從來國諸佛名號亦皆同等無有差別。

疏結通可知。

爾時世尊從兩膝輪。

疏第二爾時世尊下放光文分四別一放光處言膝輪者位漸高故又表迴因向果等有屈申進趣之相故又悲智相導屈申無住故。

撰述

華嚴疏金卷之十一

七

珍

放百千億那由他光明。

疏二放百千下光數。

普照十方盡法界虛空界一切世界。

疏三普照下光照分齊。

彼諸菩薩皆見於此佛神變相。此諸菩薩亦見於彼一切如來神變之相。

疏四彼諸下光所作業謂令彼此互相見故於中分三初正明彼此相見二如是下釋見所由三如是等下結德所屬。

如是菩薩皆與毘盧遮那如來於往昔時同種善根。

修菩薩行。

疏一中由二因故見一宿因同行故。

悉已悟入諸佛自在甚深解脫得無差別法界之身入一切土而無所住見無量佛悉往承事於一念中周行法界自在無礙心意清淨如無價寶無量無數諸佛如來常加護念共與其力到於究竟第一彼岸恒以淨念住無上覺念恒入一切智處以小入大以大入小皆得自在通達無礙已得佛身與佛同住悉能隨入開闢無量智慧法門到金剛幢大智彼岸獲一切智從一切智而生其身一切如來所行之處悉能隨入開闢無量智慧法門到金剛幢大智彼岸。

獲金剛定斷諸疑惑已得諸佛自在神通普於一切
十方國土教化調伏百千萬億無數衆生於一切數
雖無所著善能修學成就究竟方便安立一切諸法
疏一悉已下現德圓滿故文有一千句束爲十對
一離障成身對一入刹近佛對二用速心淨對四
外護內證對五能覺所覺對謂一切智處是所覺
故六用廣證深對身卽智身同住法界及大悲故
七得智生身對身卽應身八行深解廣對九智極
定深對此位中顯名金剛幢對金剛定卽菩提智
十得通立法對由得通故調化無數由離數故而
能安立數有二種一數量數一色心有爲皆名爲
數今文具一謂由不著一多能立一切故不著於
有能安立故卽眞俗鎔融謂世俗幻有之相根本
自空勝義真空之理理常自有有是空有非常有
斯有未曾不空空是有空非斷空此空何嘗不有
有空空有體一名殊名殊故眞俗互乖迢然不雜
體一故空有相順冥然不二一與不一不卽不離
鎔融無礙菩薩智契其源所以雖迥絕無寄而善
修安立鈔一離障成身對者以交易故疏不指
經今當指之二入一切土下入刹對三於一念中

下是四無量無數下是五恒以淨念下是六以大入小下是七獲一切智下是八一切如來下是九到金剛幢下是十已得諸佛自在下是。由離數下釋立法謂世俗下別示真俗鎔融之相。相從緣生舉體卽空理非斷滅故常自有然有三意此上第一當體以明。二有是空有下明一諦交徹成一卽有是空卽空是有三有空空有結成鎔融卽仁王云於諦常自一於解常自一通達此無二真入第一義也從菩薩智契下結成能立。

如是等百千億那由他不可說無盡清淨二世一切

無量功德藏諸菩薩衆皆來集會在於佛所因光所見一切佛所悉亦如是。

疏三結德所屬謂無盡德屬於此會菩薩及光中所見也。

爾時金剛幢菩薩承佛神力普觀十方而說頌言。

疏第三偈讚中十菩薩卽爲十段亦十方如次皆先標說人及說儀式今初東方金剛幢者此是會王名含總別總顯廻向不出悲智金剛者堅利也卽悲之智二乘實際不能壞堅也斷難斷惑利也故云智慧到彼岸卽智之悲憂見不能動堅也

撰述

華嚴疏錄卷之一

十一

五

無所不救利也。故文中偏利利生。鈔卽悲下。二雙出悲智爲金剛義。

疏七十八云。譬如金剛。唯從金剛處及金處生。非餘寶處生菩提心金剛亦復如是。唯從大悲救護衆生金剛處。一切智智殊勝境界金處而生。非餘衆生善根處生。故知金剛不獨喻智。攻般若者不得此意。但以標名。獨將金剛喻於般若。不觀文中悲濟九類而無所度。悲智相導。方爲真實。不共般若智者。應知別名。卽是救護衆生悲也。離衆生相智也。義不殊。總說頌儀式。頻見上文。鈔故知金

剛下四結彈。以今古諸師。皆唯般若喻金剛故。不觀文中下成上失意。以金剛經具悲智爲金剛故。彼經云。佛告須菩提。諸菩薩摩訶薩應如是降伏其心。所有一切衆生之類。若卵生。若胎生。若濕生。若化生。若有色。若無色。若有想。若無想。若非有想。若非無想。我皆令入無餘涅槃。而滅度之。悲濟九類。如是滅度無量無數無邊衆生。實無衆生得滅度者等。大智而無所度也。故疏結云。悲智雙運。如來不出世。亦無有涅槃。以本大願力。示現自在法。是法難思議。非心所行處。智慧到彼岸。乃見諸佛境。

疏正顯頌文十頌歎佛寂用無礙德大分爲二初八讚佛勝德後二結勸修行今初分二初五偈寂而常用次一偈用而常寂後二無礙自在今初分三初一偈無生滅而不生滅於中前偈就法正顯後偈寄對顯深以依體起用體用無碍故難思議又心有心相動不能行故難思議智無智相名到彼岸方見佛境。

色身非是佛。音聲亦復然亦不離色聲見佛神通力少智不能知諸佛實境界久修清淨業於此乃能了疏次二偈非色聲而現色聲亦前偈就法正顯後

偈寄對顯深少智謂權小久修謂圓機素習見聞故能了實。

正覺無來處去亦無所從清淨妙色身神力故顯現疏後一頌明無來去而示來去覺處卽現不從方來迷處自無不從此去以神力故示有來去然從神力中來卽無來矣。

無量世界中示現如來身廣說微妙法其心無所著疏一用常寂中三句用末句寂

智慧無邊際了達一切法普入於法界示現自在力衆生及諸法了達皆無礙普現衆色像徧於一切刹

撰述

華嚴疏錄卷之十一

十一

三

疏三無礙自在中初偈了事理無礙起用自在後偈了生法無礙起用自在可知。

欲求一切智速成無上覺應以淨妙心修習菩提行若有見如來如是威神力當於最勝尊供養勿生疑疏後二偈結勸中初偈勸修智進行後偈勸修福斷疑。

爾時堅固幢菩薩承佛神力普觀十方而說頌言。

疏第一南方堅固者表不壞廻向故菩提心堅故觀佛無厭故。

如來勝無比甚深不可說出過言語道清淨如虛空。

汝觀人師子自在神通力已離於分別而令分別見導師爲開演甚深微妙法以是因緣故現此無比身疏十頌多明如來爲物所依德於中分二初三讚佛勝德後七勸修辨益前中初頌明佛體離言次偈無相現相後偈現相所因。

此是大智慧諸佛所行處若欲了知者常應親近佛偈指德勸依卽結前生後。

意業常清淨供養諸如來終無疲厭心能入於佛道具無盡功德堅住菩提心以是疑網除觀佛無厭足。

撰述

華嚴疏錄卷之一

十一

通達一切法是乃真佛子。此人能了知諸佛自在力。
 疏次三示能入者。令物思齊。各先舉行。後障行益。
 廣大智所說。欲爲諸法本。應起勝希望。志求無上覺。
 若有尊敬佛念。報於佛恩。彼人終不離。一切諸佛住。
 何有智慧人。於佛得見聞。不修清淨願。履佛所行道。
 諸後三正勸進修。然夫進修畧有五法。謂欲精進。
 念巧慧。一心初偈明欲。次偈辨念。後偈巧慧。前二
 正明。後一反顯。一心精進攝在志求之中。鈔然。
 夫進修等者。釋此三偈。自有二重。一約五法。卽智。
 論文天台取之爲二十五方便。此第五五止觀具。

云。謂前二十法雖備。若無樂欲憚慕。一也身心苦
 策。二也念想。三也方便。四也一心決志者。五也止
 觀無由現前。釋曰。上卽反釋。下順釋云。若能欣集
 無厭。一也曉夜匪懈。二也念念相續。三也善得其
 意。四也一心無異。五也此人能進前路。一心喻船
 施巧慧如點頭。三種如篙櫓。若少一事。則不安穩。
 無此五法。事禪尚難。何况理定。

疏又慈氏論。引醍醐喻經。共說九善。謂一切法欲
 爲根本。作意所生觸所集起。受所引攝。以念爲主。
 定爲上首。慧爲最勝。解脫爲堅固。出離爲後邊。有

撰述

華嚴疏錄卷之二

前未必有後。有後定須有前。是故先說欲爲其本。下二句據非惡欲爲勝希望。鈔又慈氏論下。第二十九因釋也。卽瑜伽論從人名論。是其造故。醍醐瑜經。卽涅槃經。經有五味。從牛出乳。至於醍醐。酬喻大般涅槃。故事卽三十八經明三十七品。根本是欲因名明觸攝。取名受增名善思。王名爲念。尊名爲定。勝名智慧。實名解脫。畢竟名爲大般涅槃。廣如經說。今卽瑜伽引經故。經論無違。欲爲根本者。起希望故。作意所生者。數數警覺故。觸所集起者。和心心所對勝境故。受所引攝者。領在心故。以念爲王者。常明記故。定爲上首。心證寂故。慧爲最勝者。擇善惡故。解脫爲堅固者。息纏縛故。出離爲後邊者。覺道滿故。從有前下。總結釋。疏次偈上半念王。下半作意。後偈反釋。初句慧勝。次句觸集及受。次句定及解脫。後句出離。鈔次句觸集及受者。卽於佛得見聞。見佛聞佛。皆是觸對。見聞必領在心也。次句定及解脫者。修卽心定證寂也。清淨爲解脫可知。後句履佛行道。卽已出離。覺道滿故。

爾時勇猛幢菩薩承佛神力。普觀十方而說頌言。

撰述

香樹山金華卷之一

古

到

疏第三西方菩薩淨心智力見佛盡源等一切佛故名勇猛。

譬如明淨眼因日覩衆色淨心亦復然佛力見如來如以精進力能盡海源底智力亦如是得見無量佛疏十頌分前六明感應道交見佛聞法後四令捨僞求真佛見聞相故此一段總顯如來見聞弘益之德前中前五各上半喻下半合通分爲二初二見佛後四聞法前中初偈雙明感應淨心如淨眼爲見之因佛力如日爲見之緣如來如色爲見之境如人入暗則無所見斯則獨因不見也如明

淨日。瞽者莫見獨緣不見也此辨因緣和合方能見也。鈔此辨因緣者正同金剛經云如人有目日光明照見種種色但彼以般若爲日法中明心不住法則內心自有因緣不同佛力爲日也。

疏後偈偏舉於感以因奪緣如出現品云此非如來威神之力等。鈔如出現品者謂佛光救地獄衆生生天便卽念言此是如來威神之力佛便報言此非如來威神之力若一衆生於如來所不種善根能得如來少分智慧無有是處是也。譬如良沃田所種必滋長如是淨心地出生諸佛法。

撰述

華嚴疏錄卷之二

五

如人獲寶藏。永離貧窮苦。菩薩得佛法。離垢心清淨。
 譬如伽陀藥。能消一切毒。佛法亦如是。滅諸煩惱患。
 真實善知識。如來所稱讚。以彼威神故。得聞諸佛法。
 疏後聞法中。四偈分三。初偈顯因。能生法次。二顯
 得法之益。前偈得權智。能離所知心垢。後偈有根
 本智。能除煩惱之患。三一偈顯緣。令聞法故。上文
 云。佛法無人說。雖慧莫能了。

設於無數劫。財寶施於佛。不知佛寶相。此亦不名施。
 無量衆色相。莊嚴於佛身。非於色相中。而能見於佛。
 如來等正覺。寂然恒不動。而能普現身。徧滿十方界。

譬如虛空界。不生亦不滅。諸佛法如是。畢竟無生滅。
 疏後四令捨。僞求真中。一前一示僞令捨住相。施
 故以色相見佛。行邪道故。後三顯真。令求初二偈
 顯真佛。前偈卽相非相。故非色能見。後偈卽寂而
 應。故不可以寂取。末偈顯真法。真法無生。亦無滅
 故。

爾時光明幢菩薩。承佛神力。普觀十方。而說頌言。

疏第四。北方菩薩。以大悲力。運智慧光。朗彼重昏。
 無所不至。名光明幢。又以智慧。令諸善根。無所不
 至。故。

楞透

華嚴疏錄卷之二

三

人間及天上。一切諸世界。普見於如來。清淨妙色身。
疏此頌中多顯如來卽體化用周普之德。十頌分
三初一化用廣。亦明化處。次七化用深。亦明化依
後二雙結釋化。

譬如一心力。能生種種心。如是一佛身。普現一切佛。
菩提無二法。亦復無諸相。而於二法中。現相莊嚴身。
了法性空寂。如幻而生起。所行無有盡。導師如是現
三世一切佛。法身悉清淨。隨其所應化。普現妙色身。
疏化依中分四初四雙明。能所依次。一拂其能化
心。次一拂其所依體。後一雙融自在。亦拂能依。

今初初偈總明。一多無礙。依一總心。變多王所。於
一實佛。應化多端。故無礙也。次一相。一無礙。無相
現相。無二現二。體絕能所。故云無二相依。身有是
卽一也。然相二相對應。成四句。畧舉其一。無二現
二。卽於一現多。乃至百千。亦名二。故次偈顯依性
起。起不異性。故如幻無盡。後偈從法身流舉三世
佛。以顯道同。

如來不念言我作如是身。自然而示現。未嘗起分別。
疏一拂能化心中。謂如摩尼珠。無私成事故。
法界無差別。亦無所依止。而於世間中。示現無量身。

撰述

華嚴疏錄卷之二

疏三一偈拂所依謂上無二無相法性法身卽是法界法界本自無差亦無定有爲化依止由無依無別故爲依爲別故下文云虛空雖無所依能令三千世界而得安住如空無色而能顯現一切諸色。

佛身非變化亦復非非化於無化法中示有變化形疏四一偈雙融自在言非非化者此有二義一假非化以遣化非謂是非化則上半約體絕待下半依體起用二不凝化故然真化無二融爲一身不壞體用名依真起依真起者則報亦依真非謂三

身獨一是化。鈔非謂是非化者此一向是遮卽拂迹入玄耳故昔人云我言非有者但言非是有非謂是非有如人夜見於杌謂之爲人智者告言此非是人但非其心中計人愚人聞之便謂此杌是於非人非人卽鬼故人執雖無鬼執却起故爲惑耳故下釋云上半絕待則化與非化兩亡二不礙化故者卽重釋亦復非非化此卽以化遣於非化則上句非變化者卽是真身故亦復非非化者有化用故前釋上半是體下半是用今此上半自具體用依於後義廣釋經文於中二先總明然約

正身自有多義。一法報合爲真身。應化合爲化身。二法身爲真身。報應皆爲化身。今依此義。故云非謂三身獨一是化。

疏且依真起化畧有二門。一開義。一融合。鈔且依真下。第二開章別釋。

疏初中真應各有二義。真中一不變義。謂雖化而常湛然。初句顯之。二隨緣義。謂不守自性。無不現。故故云亦復非非化。一約化中。一無體卽空義。謂攬緣無性。故云於無化法中。二從緣幻有義。故云示有變化形。鈔初開義中言各二義者。卽真同真如。化同依他。各有一義。更無別也。如前已釋。但前通相說。真如依他。今就佛身以說二義。謂攬緣無性者。則知報身亦緣成義。

疏二融合中亦二義。一真化別合。一真化融。初中由真中隨緣卽不變故。是故亦真。亦非真。非真。非不真。名真法身。化中體空。卽幻有故。是故亦化。亦非化。非化非不化。名爲佛化身。一融通者。謂由真不變顯化體空。此真不無化。不有以爲法身。而不無化。用以有化中空義。故又由真隨緣顯化。幻有此。是化不無真。不有以爲化身。而不無真理。以

撰述

華嚴疏錄卷之二

九

有真中隨緣義故又由隨緣幻有不異不變體空
故是故現化紛然未嘗不寂真性湛然未嘗不化
真化鎔融爲一無礙清淨法界宜審思之 鈔二
融合等者真化別合者卽真如上一義自合依他
上一義自合耳各成四句且真中四者一真二非
真三俱四泯以前二義易故不明又是合故不開
但明後一化中一義亦然融通者卽將真如二義
與依他二義互相收攝耳文有四節前一節明四
義交絡相融二復融上二四真化鎔融下結成一
味法界四中一取真如不變義與依他體空義合

由在緣不變故顯體空體空卽真如此卽真理奪
事故真不無不變體空卽是真空化不有者依他
全體空故二又由真隨緣下取真上隨緣與依他
幻有合此卽真理成事門故化不無以能成事故
真不有舉體隨緣故又上二義第一合得事能顯
理門故云不無化用以有化中空義故由化卽空
故能顯第二義中兼得事能隱理門故故云不無
真理但隨緣耳又由下二總融上二以前別合中
一義已融今復真化互合故

正覺不可量法界虛空等深廣無涯底言語道悉絕

撰述

華嚴疏錄卷之十一

如來善通達一切處行道法界衆國土所往皆無礙
疏第三二偈雙結釋中前偈結歸於體謂智冥真
境等法界故深無底等虛空故廣無涯皆絕言道
爲不可量後偈舉因釋成所以法界無礙者智行
徧故。

爾時智幢菩薩承佛神力普觀十方而說頌言。
疏第五東北方於佛寂用之境決斷無礙故又智
導萬行出生無盡故名智幢故。

若人能信受一切智無礙修習菩提行其心不可量。

疏頌中多歎如來應現出生無盡無礙之德十頌

分二初一標章勸信信有修行之益。

一切國土中普現無量身而身不在處亦不住於法
疏後九所信勝德於中分二初一總餘八別總中
上半用而無盡下半寂而無住不著應處不住法
體卽本末雙寂也通爲寂用無礙。

一一諸如來神力示現身不可思議劫算數莫能盡
三世諸衆生悉可知其數如來所示現其數不可得
疏別中二初二明無盡一一衆生前能現無盡身
故衆生可知佛不可數
或時示一二乃至無量身普現十方刹其實無二種。

601234567897012345678980123456789

撰述

華嚴疏金卷之一

譬如淨滿月。普現一切水影像。雖無量。本月未曾二如是無礙智成就等。正覺普現一切利佛體亦無二非一亦非一。亦復非無量。隨其所應化。示現無量身。疏後六明無礙於中三初四一異無礙。亦是本末無礙一法。一喻。二合。四釋。

佛身非過去亦復非未來。一念現出生成道及涅槃。疏次一偈。延促無礙。

如幻所作色。無生亦無起。佛身亦如是。示現無有生。疏後一偈。性相無礙。

爾時寶幢菩薩承佛神力。普觀十方而說頌言。

疏第六東南方。菩薩以圓淨智照平等理。不礙應現隨順一切。如摩尼寶故名寶幢。

佛身無有量能示有量身。隨其所應覩導師如是現佛身無處所充滿一切處。如空無邊際。如是難思議疏頌中多顯平等超世之德。十頌分二前五總顯難思後五迥超時數。前中初二正明。前一超量現量後一超處徧處故出現品云。譬如虛空徧至一切色非色處等。如是難思雙結上二。非心所行處。心不於中起。諸佛境界中。畢竟無生滅。如翳眼所覩。非內亦非外。世間見諸佛。應知亦如是。

601234567897012345678980123456789

華嚴疏錄卷之一

饒益衆生故。如來出世間。衆生見有出。而實無與。世疏後三展轉釋成初云。何以難思。若身若處。非生滅心行之境。故何以非心境。佛自不起心。故何以不起體。無生滅故。若爾何以現見。次偈釋云。病眼所覩。取色分齊。勿謂爲實。次疑云。若爾豈無如來出現世耶。次偈釋云。自機見耳。上三句以應就感。衆生謂出未句。既因物感。出卽非出。名實不出。故諸法無行經云。如來不出世。亦不度衆生。衆生強分別作佛度衆生。旣無有出。安有沒耶。上三亦初一超心行次一超內外。後一超出沒。

不可以國土晝夜而見佛。歲月一刹那。當知悉如是。疏後五偈。迥超時數。而現時數於中。初一偈結前標。後國土結前處故。

衆生如是說。某日佛成道。如來得菩提實不繫於日。如來離分別。非世超諸數。三世諸導師。出現皆如是。譬如淨日輪。不與昏夜合。而說某日夜。諸佛法如是。三世一切劫。不與如來合。而說三世佛導師法如是。疏後四別顯超時。初偈立宗。上半牒妄情。下半正立菩提是有法定。不繫時是宗法。次偈立三因。一智無分別故。二三世不遷故。二體非有爲之數故。

60123456789

撰述

華嚴疏卷之一

次偈舉同喻。謂日體常明故。不合昏夜後。偈合結上半合。下半結合。中語倒。若順應云。一切諸如來不與三世合。又若以超時現時爲宗者。則上宗中四句皆宗。應云。菩提是有法定。不繫日。隨機說日是宗法。因云。體非三世等。不礙三世等。故同喻云。如日輪。不合昏夜。以山映故。說有日夜合。云佛無三世。以不應見機之所映故。而說三世。是則上三句皆合下一句結。鈔菩提是有法者。因明疏云。前陳是有法。後陳是法。法與有法和合爲宗。言有法者。由於前陳爲所依。故能有後陳。故有法。但是

持自性法。無有軌義。後陳具二。謂由不計時知是常法。如無常知。是有爲等。作初偈量云。日體無分別。不與昏夜合。如來無分別。不與三世合。菩提是有法定。不繫時。是宗法。因云。無分別故。同喻如日輪。與偈合之。日體無分別等也。二約非世爲因。菩提是有法定。不繫時。是宗法。因云。體非三世故。同喻如日輪。以偈合云。日不屬於時。不與昏夜合。佛非世法故。不與三世合。三約超諸數釋。菩提是有法定。不繫時。是宗法。因云。非有爲故。同喻如日輪。偈云。日輪無出沒。不與昏夜合。如來非有爲。不與

撰述

華嚴疏錄卷之一

三世合。又若以超時現時等四句皆宗者。若依前釋上二句牒妄情。今將上二句合在下半成經。偈云。如來得菩提實不繫於日。而隨衆生說。某日佛成道。菩提是有法。定不繫日。隨機說日是宗法。因云體非三世。不礙三世故。同喻如日輪。日體恒明。隨映見殊。不合昏夜。佛體湛然。隨機已映。超三世說三世。故疏云。定不繫日。隨機說日是宗法。而出因云體非三世。不礙三世等者。等取無分別不礙分別。非有爲不礙。有爲合等可知。菩提是有法。不定不繫日。隨機說日是宗法。因云體無分別不礙。

分別故。同喻如日輪。日離分別隨時殊。不合昏夜說昏夜。佛無分別隨機應。已離分別說分別。菩提至宗法。同前因云體非有爲。不礙有爲。故同喻如日輪。日非有念隨時殊。不合昏夜說昏夜。佛非有爲隨機。殊已超有爲。說有爲。若作偈五言云。日明映山。故無時說晝夜。佛體不礙用。常住說三世。七言云。日體恒明。隨映殊。不合昏夜說昏夜。佛體湛然。隨機應。已超三世說三世。對上三因亦應云。日離分別。隨映殊。佛無分別隨機應。皆可意得。爾時精進幢菩薩承佛神力。普觀十方而說頌言。

撰述

華嚴疏金卷之二

三

至

疏七西南方勤觀如來。真應皆同。故能平等隨順一切衆生。名精進幢。

一切諸導師身同義亦然。普於十方刹。隨應種種現。疏十頌顯此同義文分爲二。初一總標餘九別釋。前中上半正標。下半畧顯同相言。身同者三。身十身皆悉同。故義亦然者。此含多意。一旦約三身。體依聚義無不同。故所覺能覺。覺他同故。又義名所以所以得名佛者。正覺真智。力無畏等。無不具。故得名爲佛。佛佛皆然。故義同也。又應用利樂無不同故。故攝論第十二云。諸佛法身應知。恒時能作

五業等。二十一種功德之中。名爲逮得一切佛平等性所依意樂作業。無差別故。鈔義亦然者。下出二意。一釋三身及與佛義體。卽法身。依是報身。聚是化身。所覺下。所覺自法身。能覺是報身。覺他化身。又義名所以者。明成佛所以。卽具衆德。故問明云。十方諸如來同共一法身。一心一智慧。方無畏。亦然。諸佛法身者。卽應化法身。言五業者。攝論云。第一救濟有情。灾橫爲業。於暫時見。便能救濟。盲聾狂等諸災橫故。二救濟惡趣爲業。拔諸有情。出不善處。置善處。故三救濟非方便爲業。令諸外

601234567897012345678980123456789

撰述

華嚴疏金卷之一

道捨非方便求解脫行置於如來聖教中故四救濟薩遮耶見爲業授之能超三界道五救濟諸乘爲業拯拔欲趣餘乘諸菩薩及不定性諸聲聞等安置善處令修大乘行故於此五業應知諸佛業用平等若梁攝論當第十五二十一下指上品所依智等二事佛佛平等無性亦明是利他德疏一約十身釋義同者皆通三世間彼此互望無差別故種種利樂居然是同此有三因一行海齊滿二天願齊具三同一法性故非唯相似亦一卽一切互相融故餘如問明品說

疏下半同相畧舉應用同以應卽真故非應之外別明法身是同然普有一義一約諸佛謂無有佛不徧十方故二約一佛謂無一方而不現故汝觀摩尼尊所作甚奇特充滿於法界一切悉無餘佛身不在內亦復不在外神力故顯現導師法如是隨諸衆生類先世所集業如是種種身示現各不同諸佛身如是無量不可數唯除大覺尊無有能思議疏後九別釋中分二先四頌正釋後五頌轉釋前中初偈釋前普於十方無餘一義一無處不徧故二一切皆佛身故諸佛本師一頌影畧次偈釋前

601234567897012345678980123456789

現義謂有感方現故云非內神力能現故云非外次偈釋前隨應種種義一隨物類則十法界等萬類殊應一於一類中隨其先業各見不同如金色塗灰等後偈釋前身同之義結成難思佛身皆同無數量故唯除大覺者佛佛同證故

如以我難思心業莫能取佛難思亦爾非心業所現如刹不可思而見淨莊嚴佛難思亦爾妙相無不現譬如一切法衆緣故生起見佛亦復然必假衆善業譬如隨意珠能滿衆生心諸佛法如是悉滿一切願無量國土中導師興於世隨其願力故普應於十方疏後五轉釋中從後向前釋上四偈前四兼喻後一唯法於中初一釋第四無能思義一以我爲喻謂如妄計之我本無所有故不可思此以妄計情有理無非聖智境以況法身理有情無非下位測後偈以利爲喻喻雖絕相難思而不礙相次一偈釋第三隨業異現所以要隨業者同一切法必假緣故此以總喻別次一偈釋第二非內外義如珠現物雖非內外能滿物心後偈釋充滿法界義所以能滿者本願普周故

爾時離垢幢菩薩承佛神力普觀十方而說頌言

疏第八西北方菩薩真如體淨能成白法復淨世間故名離垢。鈔真如體淨第八迴向中義復淨世間卽今偈意。

如來大智光普淨諸世間世間旣淨已開示諸佛法設有人欲見衆生數等佛靡不應其心而實無來處疏十頌多歎如來淨德前六淨他後四自淨前中前一總明後四別釋今初前偈智淨妄惑旣寂真智不無開示無我知見性相故名爲法後偈身淨謂拂應顯真鈔妄惑旣寂等者揀異斷空開示已下卽法華開示悟入意也。

以佛爲境界專念而不息此人得見佛其數與心等成就白淨法具足諸功德彼於一切智專念心不捨導師爲衆生如應演說法隨於可化處普現最勝身佛身及世間一切皆無我悟此成正覺復爲衆生說疏後別釋中前二釋第二偈後二釋初偈前中初偈正明欲見諸佛應專佛境隨念隨現故名心等又了心境卽佛真性迷則不知念則便現次偈轉釋專念之義無漏具德故能專念鈔隨念隨現者此有一意一隨念多少佛亦等之如稱一口有一化佛等一隨念淺深佛應稱之見有優劣又了

撰述

華嚴疏錄卷之一

三

心境下約觀心釋卽心卽佛之義耳。

疏後二中前偈釋普淨世間說法現身而能淨故後偈釋開示佛法示其所悟二無我故。

一切人師子無量自在力示現念等身其身各不同世間如是身諸佛身亦然了知其自性是則說名佛如來普知見明了一切法佛法及菩提一俱不可得導師無來去亦復無所住遠離諸顛倒是名等正覺疏後四自淨中初一已淨差別之用後三內淨三德一見性成佛自開法身稱性現應次偈無得成佛自開般若佛法所覺菩提能覺必能所相因故

俱叵得無所得者則得菩提後偈離妄成佛自開解脫不動無住故妄倒斯寂名真解脫。

爾時星宿幢菩薩承佛神力普觀十方而說頌言疏第九下方菩薩解佛徧應法界之身而不離法性若彼星宿粲然羅空不可縛著故以爲名。

如來無所住普住一切利一切土皆往一切處咸見佛隨衆生心普現一切身成道轉法輪及以般涅槃諸佛不思議誰能思議佛誰能見正覺誰能現最勝疏十頌顯佛此德分爲二別初三總顯卽體之應次六別釋體應自在後一拂去自在之迹前中初

撰述

華嚴疏錄卷之二

三

偈約處顯身之徧。謂法性身。則無所住。約自受用。則無所不住。名爲普住。約他受用。及變化身。有感。則往。故云一切土皆往。若約十身。無處非佛。故云一切處咸見。鈔謂法性身者。此初一偈。上三句約四身說徧。第四句約十身說徧。此十身正說衆生國土等十身故。則有虛空處。卽虛空身。有國土處。卽國土身等故。無非佛身矣。

疏次偈約機顯身之多。故云一切。及八相事。皆由物感。後偈結歎難思。初句總標。下三句顯相。一句約感。不能思。思惟約心。見通心眼。下句約應難思。

云誰能現。

一切法皆如諸佛境亦然。乃至無一法。如中有生滅。衆生妄分別。是佛是世界。了達法性者。無佛無世界。如來普現前。令衆生信喜。佛體不可得。彼亦無所見。疏次六別釋中。初三順釋。後三反釋。今初初偈。釋前誰能現義。謂現卽同如。無生滅。故次偈釋前。誰能思義。謂起心而思。是妄分別。有依有正。法性之中。能所斯寂。後偈釋前。誰能見義。謂能應隨緣體。本自無能感之機。竟何所見。

若能於世間遠離。一切著無礙心歡喜。於法得開悟。

撰述

華嚴經卷之二

神力之所現。卽此說名佛。二世一切時。求悉無所有。若能如是知心意及諸法。一切悉知見。疾得成如來。疏後三反釋中。謂由無思見等。方能思等。則反顯前有思見等。不了佛境。於中初偈無思思。要無著。無礙。故次偈無現現。神力之現體。卽虛故。後偈明無見見。躡前無所有。爲見前稱實之見。非唯見佛。亦得疾成。

言語中顯示。一切佛自在。正覺超語言。假以語言說。疏二一偈。拂自在之迹者。上明自在尚假言詮。正覺超言。故拂言迹。超言亦假。應忘契之。

爾時法幢菩薩承佛神力。普觀十方而說頌言。

疏第十上方菩薩知真實之法。晉入法界。則所修行。皆無分量。故名法幢知法名佛。故先讚見佛之益。

寧可恒具受。一切世間苦。終不遠如來。不覩自在力。疏十頌雙顯佛法難聞。於中分二。前四讚佛。勸人聞見。後六讚法。勸物聞求。前中初一。正令甘苦近佛。

若有諸衆生。未發菩提心。一得聞佛名。決定成菩提。若有智慧人。一念發道心。必成無上尊。慎莫生疑惑。

601234567897012345678980123456789

如來自在力無量劫難遇若生一念信速證無上道
疏後三釋其所以畧舉三事初偈聞名益次偈發
心益後偈生信益既受苦得聞成斯勝益受樂不
覩不免長淪故應甘苦而近佛也

設於念念中供養無量佛未知真實法不名爲供養
若聞如是法諸佛從此生雖經無量苦不捨菩提行
一聞大智慧諸佛所入法普於法界中成三世導師
雖盡未來際徧遊諸佛刹不求此妙法終不成菩提
衆生無始來生死久流轉不了真實法諸佛故興世
諸法不可壞亦無能壞者自在大光明普示於世間
疏後六中已遇良醫復須法藥於中初二由聞實
法能成行法前反後順次二由聞理智成於果法
前順後反後二以感應釋成前偈佛興由生迷實
後偈說法示於真實不動真際建立諸法則性不
可壞不壞假名而說實相則相不可壞斯則天魔
外道等皆法印故無能壞餘如十藏品上十菩薩
之偈應以六相圓融鈔上十菩薩下總結言六
相者一總顯佛德二別則十種德殊三同則同明
佛德四異則十德互望不同五成則共成佛德六
壞則各任自性

開闢述

卷之二

疏所以偈後無結通者。爲顯法界兜率讚德異故。
猶彼處處文殊。偈偈各別。顯佛德無盡故。鈔所
以偈後下彰無結意。此後二段。前一會無此後例。
前亦是三賢之最後故。

信士陶如澄自捨并募銀五兩七錢四釐刻
此一卷 陶如澄一兩 張思賢七錢
楊明仁梨板并銀共一兩二錢 沈繼周
施繼仁各五錢 姚彥童 姚應科各四錢
金懋學全男萬鎔萬鍾萬鑑共助一兩
大方廣佛華嚴經疏鈔卷二十三之一 終



60

1 2 3 4 5 6 7 8 9 70 1 2 3 4 5 6 7 8 9 80 1 2 3 4 5 6 7 8 9

二十八